

讀  
春  
秋  
管  
見

疑園讀春秋管見卷之一

慎齋羅典徽五氏定稿

男紹邠孫恕校字

綸

春秋

管見舊說云。哀公十四年春。西狩獲麟。作春秋。九月書成。以其春作秋成。故云春秋。按此說可從。蓋孔子之作春秋。若在獲麟以前。當哀公在位之十四年。及定公在位十五年之間。其時距西狩獲麟。或數年。或十數年。魯史並無其事。孔子亦無所據以修之。惟春秋之作。成於獲麟。故以獲麟終焉。猶之魯史不自隱公始。而春秋斷自隱公。皆孔子所裁定。亦不必更及獲麟以後之事也。魯史有成書。孔子因之筆削。其謂以獲麟之春作及秋而成。約計之。當不過

此。然有可以廣其說者。據闕里志云。孔子未生時有麟吐  
玉書於闕里。其文曰。水精之子。系衰周而為素王。此書  
孟子作証。昔者孔子沒。子夏子游子張以有若似聖人。欲  
以所事孔子事之。曾子不可。曰。江漢以濯之。秋陽以暴之。  
皛皛乎不可尚已。此本麟吐之玉書為詞也。曾子為水精  
作形容。語故稱江漢以濯。不能入而增潤。秋陽以暴。不能  
燥之。使乾皛皛者。表素之象。不可尚者。明王之義。則玉書  
之文信然。孔子生於襄公二十二年十一月庚子日。於時  
為冬。則其未生時之瑞應。有麟吐玉書。必非於其及月辰  
而始至也。按青史之記曰。古者胎教之法。王后腹之七月  
而就宴室。比三月。王后所求聲音非禮樂。則太師稱不習。  
所求滋味非正味。則太宰不敢煎調。曰不敢以待王太子。  
可知聖母之誕聖於冬十一月其前三月。必謹胎教。是正  
當其秋八月也。而麟亦適至。猶在聖母腹之七月之交。因  
得出見於闕里。驗玉書之文而異之。復以續綴繫麟之角。  
伺其信宿乃去。總不出於秋時。以故孔子修魯史。訖由哀

公十四年獲麟之春。迴溯襄公二十二年。麟吐玉書於闕里之秋。因名其書曰春秋。夫春秋之名。為麟紀終始。而孔子之生卒。亦即因之。吾道窮矣之歎。感於麟者。至深且遠矣。又玉書之文。言系衰周而為素王。平王之末。周室既衰。春秋起。隱訖。哀終。二百四十二年之事。明一王之大法。孔子為素王。春秋其素王之業也。夫說者多泥指春秋為魯史之舊名。今觀十二公之編次。自春及夏。自秋及冬。雖無事之月。皆詳列之。乃不止稱魯史。而復錯舉春秋二時。以為之總目。是又不如晉之名。乘楚之名。稱枕猶有別義。可尋也。不為贅乎。

隱公

元年

春王正月

管見春王二字平看。正讀征。亦與音政同。義春首四時。十二月以建寅之月為正。古聖王裁成天地之道。定為四時。建寅之月為正也。溯自伏羲作甲歷。定四時。黃帝命容成作蓋天及調歷。顓頊氏作制歷。以孟春為元。是歲正月朔旦立春。五星會於天。歷營室。米凍始泮。蟄蟲始發。雖始三號。鳥獸萬物莫不應和。故帝為歷宗。由唐虞及夏皆用顓頊歷。原不得獨稱夏時。夏時云者。從殷周時指目前代取其近而可徵耳。至殷之元祀。首建丑之十二月。周之元年。首建子之十一月。據歷志三正記。子為天統。丑為地統。此其義矣。但三統首天。天包乎地。商在周前。胡以獨主建丑而取地。統周之建子。於冬至陽生。及十二辰之始於子。亦差合。而其謂陽氣始於黃泉之下。則仍未離乎地也。似不得竟以子丑分屬天統地統。至謂寅為人統。則以萬物始達人得施功為詞。人為天地所生。含天地之化而專就人功以稱人統。更覺未安。其尤有所疑者。綱目載成湯十有

八祀伐夏三月商王踐天子位於亳定都建國號曰商  
正朔是直謂商以三月為元祀之首月與胡能及於十二  
月而建丑耶又載周武王十三年之明年春正月會諸侯  
伐商二月戰於牧野商師潰紂反走鹿臺旬燔死王即位  
國號周改祀曰年以建子月為歲首是復謂周以二月改  
正朔而違期於建子之十一月矣亦無此理竊嘗揣商周  
建丑建子之意其所由不得已者大抵以商湯之代夏即  
天子位於十二月夏桀既亡不能以商之十二月仍繫於  
夏周武王之代殷即天子位於十一月殷紂既亡亦不能  
以周之十一月仍繫於殷故殷以十二月為元祀之首月  
數之盡十一月而祀一終元祀以後如之周以十一月為  
元年之首月數之盡十月而年一終元年以後亦如之凡  
皆紀易姓受命之初示後世子孫以不忘耳或以為新天  
下之耳目亦得但元祀元年之首丑月子月謂之改元則  
可不得遽稱改正朔正朔者正月之朔也其可改乎不改  
正朔則不改時與月而夏時自在其中既一定而莫之易

亦即並行而不相悖也。觀商書伊尹稱元祀十有二月是殷未嘗以建丑為正月矣。蔡傳辨之甚詳。特其以元祀十有二月為殷之正朔不免與建寅之稱正月相混。小有未審。再徵之周書。洪範篇洪範出自箕子。其五紀一曰歲。歲取太歲行一次也。商之元祀為十二月。歲將終而仍未更始。故湯改稱祀。祀取祭四時一周。雖本於殷道貴神要。以於歲未合不敢以歲為通稱耳。箕子為殷臣。於五紀必先正歲之名而不曰祀。亦所以明湯之改歲曰祀實欲以存歲之正也。歲有定名。其於成歲之月日繫於星辰。布諸曆數者。豈有紊與更參以幽詩七月凡八章。此周公追述公劉之治幽以陳王業也。史載公劉遷豳當夏桀之二十二年。想其復修后稷之業政行而治成皆在成湯代夏之後。於時殷之元祀首十二月為已久。而幽詩所傳時月未有與夏異者。則殷之改元而不改正朔益信。殷曰祀。周改祀曰年。年取年穀一熟。周以農事開國。誌所本也。而其改元不改正朔與殷同。可以禮記月令為証。月令起孟春而訖

季冬月皆皆舉昏旦之中星以測日躔所在其二分二至  
之月仲春昏弧中仲夏昏亢中仲秋昏牽牛中仲冬昏東  
壁中與虞書堯典所指鳥火虛昂不合以自唐虞至周歷  
千數百年其歲差之積固然則月令據周時之中星為準  
其為周書必矣蔡邕王肅以詔周公所作極允周禮之六  
官亦周公所作大冢宰之職云正月之吉始和布治於邦  
國都鄙乃縣治象之漢於象魏使萬民觀治象大司寇之  
職云正月之吉始和布刑於邦國都鄙乃縣刑象之漢於  
象魏使萬民觀刑象夫既明稱正月之吉而必加始和二  
字者即月令孟春之月天氣下降地氣上騰天地和同其  
木萌動之謂也不得以十一月為始和詎得以十一月為  
正月哉孔子曰行夏之時特謂為邦之所首重者在此亦  
如堯典之命羲和舜典之在璿璣玉衡史臣之敘述為獨  
先耳非謂周不行夏之時而欲舍周以從夏也由此推之  
春秋之書春王正月一皆本於月令周官蓋月令之為今  
王之政也故春秋書王周官之言正月曰始和春之氣也



故春秋書春王正月。夫孰非孔子所謂吾從周耶。又春秋之十二公。各以元年紀在位之久近。而皆起於正月者。據封國之初定之。不得因周初之有天下。改元於十一月為例。凡諸侯之封國。必命於天子。左氏言賞以春夏。刑以秋冬。月令云。孟秋之月。毋以封。諸侯然則周之諸侯。絕無有以十一月命之者。故元年皆從正月。不惟魯而已。即可知春秋之始。隱公其書元年春王正月。皆魯史舊文。非孔子特筆也。乃自來說春秋者。於春王正月四字。多疑信相半。或就本經生議。則云桓四年春正月。公狩于郎。周人用仲冬狩田。此以春正月書之。即建子之月書春也。桓十四年春正月。無冰。若夏正春正月。則解凍矣。定元年冬十月。隕霜殺菽。若建寅之月。則隕霜不為異。而亦無菽矣。然取而繹之。並有可繹然者。古以狩為田之通稱。小雅車攻篇曰。之子于苗。於夏行之。其前章亦曰。駕言行狩。猶之春曰蒐。秋曰獮。似乎分屬。而春秋所書。昭公八年秋。蒐于紅。定公十三年夏。大蒐于比蒲。十四年秋。大蒐于比蒲。則秋獮與

夏。通。謂。之。菑。可。矣。狩。乃。必。屬。冬。耶。且。莊。公。三。年。冬。公。及。齊。侯。狩。于。禚。僖。公。二。十。八。年。冬。天。王。狩。于。河。陽。此。與。冬。狩。為。適。合。若。一。泥。於。周。改。時。月。方。謂。春。狩。乎。即。為。冬。狩。之。正。不。將。以。冬。狩。于。禚。于。河。陽。為。非。冬。狩。之。正。乎。是。治。而。無。所。據。也。春。秋。書。無。冰。者。始。於。桓。十。四。年。春。正。月。繼。以。成。元。年。二。月。及。襄。二。十。八。年。春。凡。三。見。禮。記。月。令。言。孟。冬。水。始。冰。仲。冬。冰。益。壯。季。冬。冰。方。盛。命。取。冰。冰。以。入。此。定。候。固。然。其。或。始。而。不。冰。冰。而。不。壯。雖。壯。亦。不。盛。不。可。藏。之。以。待。用。則。謂。之。無。冰。但。季。冬。日。在。北。陸。陰。氣。極。修。經。嚴。寒。迅。發。凍。結。遂。堅。亦。無。冰。而。有。冰。矣。是。知。冬。未。及。盡。冰。之。有。無。未。可。知。故。無。冰。必。入。春。而。後。得。書。桓。十。四。年。書。正。月。謂。無。冰。可。納。也。凡。藏。冰。有。害。既。鑿。冰。以。入。於。冬。不。加。覆。蓋。以。收。寒。氣。及。春。乃。雖。封。閉。以。禦。東。風。故。幽。詩。曰。三。之。日。納。于。凌。陰。三。之。日。為。正。月。成。元。年。又。改。書。二。月。者。謂。無。冰。可。開。也。幽。詩。曰。四。之。日。其。蚤。獻。羔。祭。韭。四。之。日。為。二。月。為。仲。春。月。令。又。稱。是。月。也。天。子。乃。鮮。羔。開。冰。先。薦。寢。廟。二。月。無。冰。可。開。遂。無。

以爲廢廟。烏得不書。至襄二十八年。則統書曰春正月二  
月皆春也。正月無冰可納。二月無冰可開。以薦先。分書以  
致詳。後合書以通滯。就三無冰而切按之。又安有一不合  
於時。不合於月。而必宗周之改時月者。定公元年。書冬十  
月。隕霜殺菽。疑其非夏時者。輒謂十月無菽。殊不確。魯頌  
閟宮篇云。黍稷重穋。稊稭載芣。載芣亦有春種者。詩於黍  
稷重穋之下。先着植穋字。而後指言載芣。則是爲秋種者  
將加分別耳。故菽類有晚豆。以其苗柔弱宛宛得晚名。又  
有蠶豆。結莢頗似蠶形。農書亦著其蠶時始熟。並於名蠶  
之意通。此皆以八九月下種。與種秋麥同時。故他穀至秋  
當刈。此方種他穀。至秋已老。此方種也。何得謂冬十月遂  
無菽乎。且春秋之記霜災。稱殺菽者。亦包有麥在。蓋菽生  
有莖。麥生惟葉。麥更弱於菽。稱殺菽則殺麥不言可知。亦  
應通看。若春秋傳作於左氏。正諸家所主以說春秋。而謂  
周之必改時月者。今按十二公年數求之。其言亦不能無  
參差出入。正須分別觀之。如隱公元年。春王正月。傳加周

字為周正月。此二百四十二年之總綱也。至三年紀周鄭交質。鄭伯因平王崩。周人將畀虢公政。四月鄭祭足帥師取溫之麥。秋又取成周之禾。若以周正改時月定之。則四月移於二月。秋亦當入於夏矣。二月何以得取麥。夏何以得取禾。耶。四年秋。鞏帥師會宋陳蔡衛之師伐鄭。敗鄭徒兵。取其禾而還。於秋取禾亦不得以。周秋之入夏者。當之矣。桓公五年秋。大雩。傳曰。書不時也。凡祀。啟蟄而郊。龍見而雩。始殺而嘗。閉蟄而烝。過則書。則仍以夏時為斷。龍為蒼龍星。昏見於東方。為建巳之四月。萬物始盛。待雨而大。因為百穀祈膏雨。而有事於大雩。故至秋為過時。如謂周以十一月為正月。則其秋自五月始也。以五月為秋。亦猶未達於龍見而雩之定制。又何以遷其不時為。莊公二十九年。冬十有二月。城諸及防。傳曰。書時也。凡土功。龍見而畢務。戒事也。火見而致用水。昏正而栽。日至而畢。農者樹板幹而興作也。水為定星。一號營室。營室居北方七宿之中。北方屬水。故營室以水稱。其昏見於南方為十月。傳以

周之冬十二月在冬十月。因引水昏正而裁以証其得時。其實周之元年。前十一月。則次月即為十二月。仍與夏正之十二月無異也。魯以是月城諸及防直。謂之不時。亦宜。僖公五年冬。晉人執虞公。其時晉再假道於虞。國號上陽。晉侯問師克之期於卜偃。卜偃對曰。童謡云。丙之晨。龍尾伏辰。均服振振。取虢之旗。鶉之賁賁。天策煒煒。火中成軍。虢公其奔。其九月十月之交乎。丙子旦。日在尾。月在策。鶉火中。必是時也。龍尾者。尾星。屬東方蒼龍之宿。日月所會為辰。天策。傳說星。依龍尾之旁。鶉火。鳥星。九月十月之交當晦朔之間也。是夜日月合朔於尾。故尾伏。月行疾。故旦而過策。日猶在尾。其旦見之中星。則鶉火也。至時。虢果滅。彼童謡何所從來。而明達如神。乃爾左氏奇其驗而載之。又欲與前春王周正月之言相比附。故既斷以九月十月之交。其旦為十月朔。而復更之曰。冬十二月。丙子朔。晉滅虢。夫以滅虢之朔。繫之干支。為丙子。其合朔之日。夜及旦。繫之星辰。為龍尾。天策。鶉火。皆實貼十月。言而冠以假。

備之十月為十二月。是童謠證。以夏時則誠驗。證以周時  
情不必盡驗矣。其何以傳信哉。成公十年。晉侯病。夢大  
厲為祟。召桑田巫占之。曰。不食新矣。六月丙午。晉侯欲麥。  
使甸人獻之。饋人為之。將食。張如廁而卒。夫晉侯疾劇而  
欲麥。欲食新也。其獻自甸人。必屬新麥。麥秋在四月。傳以  
周之改月。稱六月。是又不如周鄭交質篇。謂祭足於四月。  
取溫之麥。偶不經意。而猶與周書月令之登麥。嘗麥。適有  
合也。襄公七年。夏四月。三卜。郊不從。乃免牲。傳稱孟獻子  
曰。吾乃今而後知有卜筮。夫郊祀后稷。以祈農事也。是故  
啟蟄而郊。郊而後耕。今既新而郊。宜其不從也。夫以四月  
為既耕。則必夏正之四月矣。若以周之四月。當夏之二月。  
既不得云。既耕而於啟蟄亦近之。獻子何以定其卜。郊不  
從之咎。與昭公十七年。夏六月。甲戌朔。日有食之。祝史請  
所用幣。平子止之。曰。惟正月朔。忌未作。日有食之。於是乎  
伐鼓用幣。其餘則否。正月之正。請政。謂建巳之四月。見小  
雅。與建寅之正月。請征者。其義皆取乎正。而所指不同。建

巳之月陽之正。建寅之月歲之正。故同用正字。而以政與征兩音別之。平子之不救日食。以六月非建巳之四月為正月者。故太史辨之曰。在此月也。日過分而未至。三辰有災。正當夏時之四月。謂之孟夏。平子弗從。十七年冬。有星孛於大辰。大辰心星也。亦云大火。孛彗星也。申湏曰。彗所以除舊布新也。天事恒象。今除於火。火出必布焉。諸侯其有火災乎。梓慎曰。往年吾見之。是其微也。火出而見。今茲火出而章。必火入而伏。其居火也久矣。其與不然乎。火出於夏為三月。於商為四月。於周為五月。夏數得天。若火作。其四國當之。在宋衛陳鄭乎。於是明年夏五月。火始昏見。四國火。按以上二傳。一辨日食。一辨孛星。日食於六月。傳謂實為四月。六月四月皆為夏月。改而時不改。為之正。其月則已。至有星孛于大辰。大辰為火星。納於季秋九月。昏不見。則不得不以經之。書冬而不著月者。竟作夏之秋八月觀。而時亦必改矣。可無說乎。蓋火星出於季春。納於季秋。於昏見之。若其旦見者。則在冬也。月令孟冬旦七星中。

西為南方之午位。於是火星偏卯位。而將見。仲冬旦軫中。則火星已出於東方。而當卯位矣。逮季冬旦氐中。其火星但隔房一宿。而近氐。同在午位。獨未可言中耳。是可知有星字于大辰經據火之。且見傳據火之。皆見傳自誤也。焉得借以疑經。且太史所曰食平子弗從。遂致昭子疑其有異志。而不君君。未免深文。至申湏之辨字星。以在大辰。而曰諸侯之有火災。梓慎復以四國實之。而及宋之分野。並謂陳鄭衛為太皞祝融顓頊之虛。亦靡落無實際。然左氏自未得入傳。與僖公時晉卜偃所說之童謠並存。亦以其能統悉夏商之時月。與傳首所特注為春王周正月者足資發明。庶非一人之私言耳。春秋太史一官多著名者。此魯太史不名申湏梓慎。即其人也。申湏梓慎不稱官。皆太史也。就其言而節取焉。申湏曰天事恒象。象則不誣。梓慎曰夏數得天。天則不妄。周之改元而不改正朔。亦即不改四時十二月者。此兩語亦見大意。



讀春秋管見

管見。隱公元年。春王正月。不書即位。左氏以為攝公。穀以為  
為讓。似皆未協。如周成王初立。稱孺子王。周公相之。行政  
人以為攝魯。桓公未立。為君而隱公獨為之。何謂攝乎。其  
謂之讓者。亦信隱之在位。為攝而心欲讓桓耳。然讓之名  
亦不可冒。就左氏他例核之。成公十五年。晉會諸侯於戚  
討曹成公。執之。諸侯將見曹子臧於王而立之。子臧辭曰。  
聖達節。次守節。下失節。為君非吾節也。雖不能聖。敢失守。  
手遂逃。奔宋。定公十四年。吳子諸樊既除喪。將立季札。季  
札即舉曹子臧之無失節以辭。固立之。棄其室而耕。乃舍  
之。是二者皆以讓聞而皆能。使所讓者卒立為君而不苟  
為之也。隱公居君位既十一年。惡乎為讓。惟被弑之先時  
由羽父請殺桓公。將以求太宰。公曰。為其少故也。吾將授  
之矣。使營菟裘。吾將老焉。此其言近於讓而要不足據也。  
可指為春秋隱公不書即位之本旨乎。竊擬人君之即位。  
無常。月非若改元之必當正月。為有常也。周書顧命篇成  
王於四月乙丑崩。即日以二千戈虎賁百人逆子釗於南

門之外。延入翼室。惟宅宗。惟為憂義。稱恤與稱。豈不同。惟從死者稱之。則曰喪。從生者稱之。則曰恤。以子釗延入翼室。則稱恤為宜。宅宗者。立喪主之謂歟。以葬子釗之為父後也。宗之。即所以君之。但未正行。即位之禮。非自乙卯至癸酉。凡九日。王與卿士邦君皆冕服。太保承介圭。上宗奉同瑁。太史秉書。御王無命。告王。王受命。再拜。興。乃受同瑁於瑑前。太保酢王。即攝王飲。降。諸侯出廟門俟。所以脩廟王行。即位之禮也。於是王出在應門之內。太保率西方諸侯入應門左。單公率東方諸侯入應門右。皆布乘黃朱。賓稱車圭兼幣。曰。一二臣衛敢執壤奠。皆再拜稽首。太保率羣臣敬告王。王報詩。羣臣趨出。王釋冕。反喪服。孔子刪書特存之。謂足為後世天子遭喪即位之定典也。宋蘇氏疑其失禮。至謂周公若在。必不為此。或以其言質之朱子。朱子曰。天子諸侯之禮與士庶人不同。故孟子有吾未學之語。蓋謂此類耳。如伊訓元祀十有二月朔。亦是新喪。伊尹已奉嗣王。祇見厥祖。固不可用凶服矣。漢唐新主即位。皆

行冊禮。君臣亦皆吉服。追述先帝之命。以告嗣王。蓋易世傳授國之大事。當嚴其禮。而王侯以國為本。雖先君之喪。猶以為私服也。五代以來。禮不講則始。終之際。殊草草矣。以此推之。諸侯世國。其嗣君之繼先君。於殯時立為喪主。即適日以冕服舉即位之禮。正其為君。乃反喪服。亦正以杜嬖子侵奪。權臣覬覦之漸。豈得已哉。惟先君之薨。無定月。則嗣君之即位。亦無定月。故即位適當元年之正月。則書即位。若即位在元年之前。猶屬先君之末年。則不書即位。以一年不容有兩君。而其繼父之業。成父之志。不忍有變於中。年亦猶顧命篇。綴以康王之誥。時已東見諸侯。受其享實。為即位而仍不明稱即位也。魯隱公之即位。當在惠公之卒年。凡即位之禮。一君不再舉。故及隱公元年。無即位之事。即不得復書即位。其後隱公十一年。冬十有一月。壬辰。公薨。桓公繼立。踰一月。為桓公元年之正月。亦即於楚月即位。故書桓公元年。春王正月。公即位。舊以隱公被弑。桓與弔父謀篡。意欲即位。春秋如其意。以書。所以示

詠義太隱恐與莊公以下之書即位無以別其或有謂隱  
公書薨而不書葬殆欲使人知桓公改元即位之後所以  
葬隱公者多在闕焉而其因羽父篡弑之隱情亦見其示  
誅不在書即位也亦有所見至莊閔僖三公皆不書即位  
則與隱公之不即位於正月同桓公十有八年夏四月丙  
子公薨于齊丁酉公之喪至自齊據國君遭喪即位之定  
典則四月丁酉之後莊公已即位矣及改元之正月已八  
閏月故莊公元年春王正月不書即位說者以莊公父弑  
母出不忍即位夫文姜以三月孫于齊不妨正月即位有  
辨之者惟不忍於父之見弑猶皆主殺梁繼弑君不言即  
位之為正也但嗣君不行即位之禮則不成其為君可謂  
繼弑君者初固不即位乎惟即位不當改元之正月則不  
當此例焉可通耳莊公三十有二年八月癸亥公薨于路  
寢冬十月己未子般卒公子慶父如齊慶父為莊公庶兄  
欲代莊公叔牙黨之莊公母弟季友謂公曰請以死奉般  
般為莊公太子凡君在喪恒稱子未葬稱子某成之滿在

喪之君也。季友以莊公薨之八月立般。而以子稱。夫亦及  
春之。以即位矣。及冬十月己未。慶父使圉人榮賊于黨氏。  
季友奔陳。立閔公。於時慶父如齊。而季友亦奔陳。則閔公  
之立。立於魯之諸臣。即在子般卒之後也。其即位。本冬月。  
不及閔公元年之正月矣。故閔公不書即位。及閔公二年。  
秋八月辛丑。公薨。九月。公子慶父出奔莒。公之薨也。由慶  
父使卜齋賊公於武闕。季友以僖公適邾。避其難。何慶父  
奔莒。乃入立之。以賂求慶父于莒。及密而繼。夫慶父以九  
月出奔。季友以僖公入而立之。亦在九月。凡稱立者。必春  
之。以即位。而後為立。僖公之立。而即位。亦不於其元年正  
月。是以不書即位。與閔公同之。然自莊公不書即位。率多  
但於繼弑君而有所不忍。遂舉以例。閔公及僖公。試思慶  
父之專橫肆惡。連弑兩君。季友以僖公入立。亦因繼弑君  
而不忍。乃不急謀。修即位之禮。以正其為君。魯難異。以定  
乎。小不忍。則亂大謀。其謂是矣。若夫文宣成襄昭定哀七  
公。並書即位。則皆從桓公書即位之例也。僖公三十有三

十有二月乙巳公薨于小寢。文公立。終。傳公既薨之。十  
二月即為文公改元之正月。於是即位。因於元年春王正  
月之下。書公即位以屬之。文公十有八年春王正月丁丑  
公薨於臺下。立太子赤。冬十月子卒。子謂亦何以卒。為公  
子遂殺之以立宣公也。凡世子之立。君薨未葬。稱子某。既  
葬。稱子皆成之。為在喪之君。以其初。因嘗行即位之禮者。  
惟是立以正月。卒於十月。未踰年改元。則不稱公而稱子。  
不稱薨而稱卒。其實自正月至十月。魯皆奉之以為君矣。  
時公子遂將殺子赤。立宣公。謀之齊。而後決。故於秋及叔  
孫得臣如齊。冬十月殺子赤。夫人姜氏歸於齊。夫人姜氏  
皆子赤之母。惟其歸于齊而訴之。故季孫行父復如齊。於  
是議納賂而平焉。宣公元年齊人取濟西田。即指此行父  
如齊待齊命而後歸立宣公。則當踰年之正月。故宣公元  
年書曰春王正月公即位。或以子赤之卒。由宣公與公子  
遂謀之。因書即位以如其意。用示篡弑之誅。以前桓之謀  
隱而書即位者。並為一例。殊不確。宣公十有八年冬十月

士成。公薨于路寢。成公繼立。踰兩月。即當改元。遂即位。於止月。故成公元年。書春王正月。公即位。成公十有八年。秋八月。己丑。公薨于路寢。十有二月。丁未。葬我君成公。既葬而後即位。必舉禮於次年之正月。則襄公之書元年春王正月。公即位者。以此。襄公三十有一年。夏六月。辛巳。公薨于楚宮。秋九月。癸巳。子野卒。冬十月。癸酉。葬我君襄公。襄公六月薨。立太子野。稱子則已。成在喪之君。至九月。以緦卒。立襄公妾子昭公。十月。葬襄公。踰兩月。冬終。以正月行即位之禮。故昭公書元年春王正月。公即位。與文公以來未。有異也。昭公之即位。由季武子宿立之。武子自襄公時專政。城費私邑。作三軍。以分公室。師師救台。遂入郕。君命不行。及立昭公。而季氏專甚。武子宿卒。平子意如因之。昭公不能堪。及二十五年。公伐季氏。不克。孫于齊。齊侯取郕。公居郕。後適晉。次于乾侯。至三十二年。遂卒于乾侯。魯國無君者凡七年。定公元年夏六月。癸亥。公之喪。至自乾侯。戊辰。公即位。其六月。以前雖屬定公之元年。而即位實於

六月。著其實也。定公十五年夏五月壬申。公薨于高寢。秋七月。如氏卒。九月丁巳。葬定公。卒已。葬定公。哀公父定公。毋定公。以數月連遭大喪。即位時。纔四歲。與前襄公同。其所由得立。皆平子意如主之。故及哀公踰年改元之月。始即位。如禮前國未嘗於定公薨葬之間即位也。而哀公之元年春王正月。公即位。於是乎書總之。國君之即位。在其改元之年者。其正月即位。書即至定公之六月。即位亦書。若在元年以前。其月仍屬先君之末年。雖如文公之太子赤。以正月遭喪。即位而。其後或不見殺。亦不書。

### 三月公及邾儀父盟于蔑

晉見盟亦所以講信修睦也。周禮秋官司盟。職曰。凡邦國有疑。會同則掌其盟約之載書。及其禮儀。北面詔明神。既盟則藏之。明神方明之神也。凡盟時以方明加于壇上。乃以載詞告焉。儀禮記云。方明者。木也。方四尺。設六色。東方



青南方赤西方白北方黑上元下黃設六王上圭下璧南方瑋西方璊北方璜東方圭以象天地四方之神如宗廟之有主虞書所謂六宗即指此其來久矣詩大雅皇矣篇曰萬邦之方謂萬邦之於文王尊而信之一若會同而盟之主之為方明也神稱明即方明之明文王稱方即方明之方二而一者也特於神則稱明於如神者則稱方而不兼稱明蓋以避神號耳亦立言之體也盟之禮儀即束牲載書歃血戎右贊牛耳桃茢王府共珠槃玉敦之事鄭氏錡曰此謂合諸侯而盟蓋將有所作為未知其心之同否故與之要言于天神是正得不協而盟之意但會同而盟在天子之畿內若諸侯相與為盟必在其國及所盟之國是當以其故達於王而復入其盟載之或于司盟也不然則謂之私盟春秋之盟大率類此故謂凡書盟者皆惡之又諸侯相與為盟必同列五等之爵可通稱諸侯者乃得與邾為魯之附庸未爵命為子而魯隱公與盟于蔑則無等矣故稱及公羊曰及猶汲汲也又曰我欲之此為得其

情者。至邾稱儀父。是名而非字也。由左氏謂邾儀父為邾子克。遂以儀父為字。又申言其盟公于蔑者。能自通于上國。繼好息民。故書字。貴之。然隱公元年。書公及邾儀父盟于蔑。及桓公十七年。又書公會邾儀父盟于越。春秋何取於邾君而一貴之。再貴之耶。且莊公五年秋。書邾來朝。邾為小邾之地。與邾邾黎來者。小邾之名。其來朝更為可貴。乃獨不字而名之。則不可得其說矣。諸家惟黎氏以儀父為名。且謂字必取于名。儀父無取於克。汪氏辨之。證以周有王子克。楚有闕克。皆以子儀為字。則儀父為字。可知。然桓公二年。宋督弑其君與夷。及其大夫孔父。穀梁以孔父為字。孔氏穎達曰。諸言父者。雖或是字。而春秋之世。有齊侯禚。父蔡。侯考。父季孫。行父。衛孫林。父乃。皆是名。故杜以孔父為名。然則借是以證儀父之為名。亦足與汪氏之辨相持矣。而究之。儀父當主名說。不當主字說者。以儀父之與克。本屬兩人。不得混而為一也。何以言之。隱公于元年盟儀父于蔑。至十一年。薨。桓公立。積十七年。再盟儀

父于趙。合計之。已歷二十有八年矣。由桓公十七年盟儀  
父于趙。明年薨。繼以莊公之十六年。又并為十八年。其間  
必當儀父卒。而克嗣之。惟儀父未命為子。例不書卒。故儀  
父之卒。年不著。又春秋於列國諸侯。例書卒而不書立。故  
邾子克得書卒。而其立之年。亦不著也。豈得遂以儀父與  
克為一人哉。其克之得稱子者。由莊公十三年會于北杏。  
齊桓始霸。其時附于宋與陳蔡。以為此會者。他小國皆不  
至。而邾獨至。於是齊桓特請於王。而王遂進其爵。以為子  
耳。至十六年。同盟于他。書邾子克卒。是據其生時之有爵  
故卒之也。不然。附庸小猶未成國。例不書卒。克亦將與儀  
父無異矣。按春秋斷自隱公。其元年書事。首筆公及邾  
儀父盟于蔑。其言紀宗國之屈辱。而不報而書外之意。則隱  
傷宗周之凌夷。既極也。隱公元年。當平王之四十九年。其  
時鄭伯寤生為王卿士。王貳于虢。鄭伯怨王。王曰無之。於  
是周鄭交質。王子狐為質于鄭。鄭公子忽為質于周。夫隱  
公為諸侯降與未命之附庸邾儀父盟。言之已足深慨。乃

平王居天子位而偏于鄭伯。猶生之強。諸侯得  
以徒盟不足結信。而遂至于交質。子尚忍言哉。

## 夏五月鄭伯克段于鄆

一。曾見克者。師勝。敵之。名。鄭叔段之出奔共。傳稱莊公命子  
封。帥車二百乘以伐京。至于鄆。故特以克字以著其實。不  
稱弟段。惡莊公也。莊公視骨月為仇。譬。隨其弟于不義而  
以。師克之。豈復知其為弟哉。故不弟。於段無譏焉。按鄭為  
王室懿親。家過畿甸。至莊公。怨平王而交質子。及隱公三  
年。王崩。桓王將昇統公政。鄭莊使祭仲帥師於溫。取麥。於  
成。同取禾。桓公五年。王以諸侯之師伐鄭。鄭莊禦之。戰于  
緡葛。大敗王師。且射王中肩。然則莊公以險惡稱其滅絕  
倫理。由克段于鄆。及克王於緡葛。以觀春秋諸侯之罪人。  
不能有二矣。維桓王之敗。經但書蔡衛陳從王伐鄭。而其  
餘皆諱之。然魯桓在位十八年。其於春正月及春三月不  
書王者。凡十四年。正以明桓王不能討鄭。其列國諸侯亦

絕無問罪于鄭者。皆無王也。魯桓亦與焉。則寓意于魯火而大義已昭然於天下矣。

# 秋七月天王使宰咺來歸惠公仲子之賻

常見魯之仲子本為妾而繫之惠公則以惠公之寵愛仲子疑於夫人也。而究之得稱惠公仲子不得稱惠公夫人則嫡妾之分嚴矣。其素之者如僖公十七年齊侯小白卒傳稱齊侯之夫人三王姬徐嬴蔡姬皆無子齊侯內多寵內嬖如夫人者六人。禮記檀弓載悼公之母死哀公之妻也哀公為之齊衰有若曰為妾齊衰禮與公曰吾得已乎魯人以妻我此皆事於嬖寵而然夫諸侯有不得已而使為夫人者齊桓魯哀其末流耳然則仲子之卒必稱夫人不復稱惠公仲子矣。以此推於諸侯並上至于周天子就得以為非夫人哉。又左傳昭公二年冬晉少姜卒公如晉及河晉侯使士文伯來辭曰非仇讎也請君無辱公還葬孫宿遂致服焉服袵也三年春正月鄭游吉如晉送少姜

之。梁丙與張趯見之。梁丙曰。甚矣哉。子之為此來也。子  
太叔曰。將得已乎。此則僅于強大而然。夫有不得已而稱  
之夫人卒。亦即有不得已於其夫人之卒而歸之。則若豈  
非諸侯已乎。周自東遷以後。王室日卑。欲崇禮於諸侯。以  
視魯與鄭之致禮于少姜。以結晉者。蓋近之矣。此所由魯  
之惠公仲子。本非夫人。而以夫人訃于周。而周天子之賜  
於是乎。亦來歸也。積習相沿。幾同舊典。故春秋特揀其事  
以正之曰。天王使宰嚭來歸惠公仲子之賵。程子中之曰。  
王者奉若天道。故稱天王。其命曰天命。其討曰天討。蓋此  
道者王道也。春秋因王命以正王法。稱天王以奉天命。夫  
婦人倫之本。最當先正。春秋之時。嫡妾僭亂。聖人尤謹其  
名分。仲子繫惠公而言。故正其名。不曰夫人。曰惠公仲子。  
謂惠公之仲子。妾稱也。以夫人之禮。贈人之妾。亂倫之甚  
也。然春秋之始。天王之義未見。故不可去天而名。唯以見  
其不王。王臣雖微。不名。況於宰乎。我惠公仲子之卒。當即  
在隱公元年。秋七月之前數月。魯史亦當據其月日。以書。

夫人子氏薨。然春秋於天王使宰嚭來歸賵。既正其名。為惠公仲子。則魯史所書者。固已削之。車馬曰賵。以贈送死者之墓。而名雜記。案云。凡隣國君不來親弔。遣使來弔。是在將葬之時。弔含。禭。臨。五事並行。故曰。凡將命卿。殯將命。亦有既葬而來者。故含禮有曰。既葬。蒲席。其將葬而來。使令使禭。使昭者。含不及。歛。禭不及。殯。昭不及。葬。其據此。則宰嚭之來歸賵。以其至日為主。雖不當事。皆禮也。會葬者亦然。

## 九月及宋人盟于宿

管見左傳云。惠公之末年。敗宋師于黃。公立而蒞。成焉。集說。高氏曰。桓宋出也。隱公懼宋。故欲與宋合。盟宋之情殆不出。書及亦汲汲也。我欲之也。地以宿。穀梁以為邑名。當從。若據後之八年。書宿男而指為國。公求好於宋。與宿男。與無因而就其地盟。復牽以入盟。而成參盟於事理不。且宿邑必為宋之疆地。公求好而不能致宋。公

于魯以就盟則盟所當在宋也。及期公至宿而宋公不至。其來盟者雖為卿亦臣也。微也。故人之不書公。某氏以公及微者盟則沒公以殺取。是矣。今前盟蔑以觀邾儀父雖未命猶為附庸之君。至公盟宋於宿其君不來而臣貴來亦不獲已而卒事則公之下替益甚矣。惡得不沒公以殺取耶。

## 冬十有二月祭伯來

管見經獨書祭伯來為之說者多謂祭伯非奉王命而私朝於魯耳。然王臣不奉王命惡得越境而至於魯且祭伯為王之卿宰之亞也亦本無朝於諸侯之禮而乃聽定其來為朝魯朝之名又可似乎此當與前宰咺之來師則合看觀後文公四年冬十有一月壬寅書夫人風氏薨風氏即成風也其實本為妾與惠公仲子同至五年春王正月書王使榮叔歸舍且贈則亦猶夫天王使宰咺來歸惠公仲子之贈矣其三月辛亥書葬我小君成風又聯書王



使召伯來會葬。彼召伯與此祭伯稱號齊等。從可知。祭伯之來。即為天王使祭伯來會。惠公仲子之葬也。王賜諸侯之以妾為夫人者。既非禮。則其再使會葬。事本相屬。其非禮為一例。可不必明指其事矣。至前之使宰歸。則既名啗以示貶。而于祭伯之實來會葬者。不置一詞。事一例。其示貶亦一例。蓋一識不再識也。

## 公子益師卒

「官見」大夫死曰卒。書卒則其貴著矣。趙氏匡謂益師為孝公之子。是公子也。然春秋有本為公子而削之以示貶者。則益師之特稱公子。謂其實足以為公子。因繫之於公。以著其賢也。雖益師事魯惠公。在春秋之前。事蹟無考。可借後書公子彊卒以証之。隱公五年冬十有二月辛巳。公子彊卒。彊者滅僖伯也。是年公觀魚于棠。僖伯諫。詳見左傳。公託略地以往。僖伯稱疾不從。及卒。公曰。叔父有憾于寡人。寡人不敢忘。葬之加一等。其賢可知。此書公子益師卒。

與五年書公子強卒。無異詞。其皆賢亦可知矣。至其或曰或不曰。程子謂因舊史有可損而不能益。持論極允。他若本為公子而春秋削之以示貶者。如魯之公子翬。惟桓公娶文姜。使之如齊。逆女。則一稱公子。其先於隱之四年秋。書翬帥師會宋公陳侯。蔡人衛人伐鄭。十年春。書翬帥師會齊人鄭人伐宋。此著其主兵擅權。即所以成弑隱立桓之逆舉。故削其公子而但稱翬。以為是實不可以為公之子。而絕之於公耳。其與翬同聚而名之者。四曰無駭曰挾曰柔曰溺。惟莊公三年正月。書溺會齊師伐衛。穀梁曰。溺者公子溺也。惡其會仇讐而伐同姓。故舉而名之。此其為公子有可徵者。即得與公子翬之不稱公子而稱名。其示貶為一例矣。隱公八年。書無駭卒。其先於二年。書無駭帥師入極。穀梁謂其苟焉。以入人為志。胡文定謂其逞私意而擅興師。則亦公子翬與公子溺之比也。但無駭為公子展之孫。既非公子。亦非公孫。獨得因王父之字。以為氏耳。趙氏言公之子稱公子。公子之子稱公孫。公孫之子不得

稱公曾孫。故以王父之字為氏。由此推之。公子展為公子其子為公孫。若公子展之子為公孫者。既卒而不請氏。則無駭為公子展之孫。以公族為大夫。竟至終其身而無所繫。有是理乎。然則無駭卒。明父為之請謚與族。雖左傳詳之。惟公與衆仲論族之詞可信。其謂無駭既卒。公乃命以王父之字為展氏。不得泥也。蓋無駭當其父卒而巳。得請命為展氏矣。故春秋示貶之法。為公子則削其公子。不公子而公孫。則亦削其公孫。至又不為公孫而取王父之字以為氏。則削其氏。以王父為公子。繫於公。其孫因王父之字為氏。亦仍因王父之為公子而繫於公也。故削氏與削其公子。以及公孫者。其示貶正同。桓公十一年。書柔會宋公陳侯蔡叔盟于折。陳氏傳良曰。以大夫會諸侯盟。故貶之。大夫專會盟。與專征伐皆屬無君。其當貶原不得輕於無駭。二與聲及濁也。惟其或本公子。或為公孫。又或為公孫之子。無可徵。則各從其示貶之例而總以名稱要亦歸於一而已。隱公九年。書執卒其卒。以大夫而不詳所自。既本

知其於公子公孫及公孫之子果何所屬而其貶而稱名之事蹟並無微則當借公子並師對言之蓋益師之卒稱公子而不但稱名與公子。距為類是雖無事蹟而得知其為哀則據之卒無加稱而但稱其名者與無驍及鞏柔瀕為類亦可以無事蹟而得知其為貶矣。又經有公子當貶而仍不削其公子者非有異也亦從削其氏之例耳。莊公二年夏書公子慶父帥師伐於餘邱為其為莊公庶兄而主兵浸以成異曰殺子般及閔公之禍也。至莊公三十二年秋七月書公子牙卒為其黨於慶父之欲代莊公遂謂慶父材而不奉子般李友以君命使弑之也。夫春秋於慶父與牙並書公子一似未有所貶者然三桓為魯世卿至春秋之終而仍未已公子慶父為仲氏公子牙為叔氏與公子友為季氏此皆由貴寵預政生而命之氏也。惟公子友為賢能卒立僖公以定魯難當閔公及齊侯盟于落姑則書曰季子來歸至僖公十六年三月壬申又書公子季友卒為公子友之氏兩書之以示哀則慶父為仲氏而

不稱仲慶父。牙為叔氏而不稱叔牙。則並削其仲叔之氏。以示貶。從可推矣。夫公子既命氏。則公子為通稱。故以貶其氏為重。然魯之稱公子。又有本不為公子者。春秋復存其氏以正其非。公子亦非有異也。還以從削其公子之例云爾。如公子慶父為仲氏。其子則公孫教也。有公子遂者。亦屬仲氏。為教之從兄弟。教稱公孫。遂何緣得稱公子。僖公二十六年夏。初書公子遂如楚乞師。冬。公以楚師伐齊。取穀。其命遂稱公子者。殆始於此。蓋僖公以慶父為叔父。其子公孫教之從兄弟。亦僖公之從兄弟也。僖公以遂有功。克為公室輔。乃引而觀之。比於同體之兄弟。故寵異其稱曰公子。其子歸父亦緣之以稱公孫。而要之遂非公子。名既不正。且有大惡尤當絕之於公也。遂歷事僖文宣二公。文公以前亦常因事有功矣。文公之末。乃至殺文公之嫡子赤而立其所嬖敬嬴之庶子。其亂公室者已極。宣公仍德其立已而安之。故春秋書公子遂者。凡十七見。至宣公八年夏六月。則特書曰仲遂卒。子杲所以抑之。使歸於

仲氏更不得。月稱公子。以繫於公。而貶絕之意嚴矣。或謂  
公子遂之稱仲遂。仲乃其字。非其氏也。按春秋或稱名。亦  
或稱字。無有以名與字並稱者。且人先有名。乃有字。以字  
先名。亦於義不順。況春秋之稱字者。為褒。遂為弑逆之罪  
人。將稱名以示貶。復何取於先稱字。以混於褒耶。是則仲  
之非字。而為氏。決矣。遂胡以屬於仲氏。魯世卿之盛。至三  
家無與比者。春秋之前。自魯公伯禽。歷十三世而後。及隱  
公。自隱及宣。又歷七君。其公族之支庶繁衍而踈賤者。無  
數。自三家命氏。乃分屬之。以為之。蔽而遂。屬仲氏。故遂曰  
仲遂耳。夫仲遂先氏。而左傳多稱襄仲。又有不先氏者。凡  
名與氏聯稱。則先氏若謚與氏聯稱。則當先謚。觀慶父謚  
共。稱共仲。即可知遂之謚襄。稱襄仲。皆例之一定者。不得  
以其後稱仲而  
仍執為字矣。

## 二年

# 春公會戎于潛

管見公於是年春會戎。秋盟戎。盟書月日。而會獨書時。會視盟。為輕也。不言公及戎。會于潛者。蓋本戎欲通好于公。公因與之同欲以成此會耳。戎徐戎也。莊公十八年夏。公追戎于濟西。二十年冬。齊人伐徐。張氏洽曰。戎在徐州之域。最近齊魯。張氏溥曰。戎在魯西南。魯之患也。齊伐戎。為魯故。以是知公之會戎。會徐戎也。至莊公二十六年春。公伐戎。其秋稱公會宋人齊人伐徐。似戎與徐為二。然戎以舉其類。徐以指其國。曰戎又曰徐。正以稱戎者亦不一。類此則實為徐也。云爾。至戎之近魯而為魯患。先公伯禽嘗伐之。有費誓詞曰。祖茲淮夷。徐戎並興。其為不靖。舊矣。及徐偃王偕號。周穆王征之。偃王走死。而後嗣復強。厲王命虢仲伐徐。名穆公作民勞。篇其四章曰。戎雖小子。而式宏。大。此正色危言。以戎虢仲也。後當宣王中興。平徐方。見江漢常武二詩。皆美其為非常之績。亦足見戎之強甚。為難。

武矣。入春秋。至隱公七年冬。天王使凡伯來聘。戎伐凡伯于楚邱。以歸。傳謂戎初朝于周。發幣于公卿。凡伯弗賓。故戎因其來聘。伐諸楚邱。此其乘隙報怨之志。肆無忌憚。豈得不思患而豫防哉。惟適值隱公初立之二年。戎欲會公。而公於其春會之。戎會公而欲繼以盟。公復於其秋盟之。於是以終隱公之世。無戎難。連桓公二年秋九月。公及戎盟于唐。冬。公至自唐。尋隱公之盟也。而戎好亦如故。獨莊公不營于戎。易之。戎始變渝。以十八年夏。侵魯。而公乃有追戎于濟。西之役。從可知。春秋于隱公二年。書曰。春。公會戎于潛。繼又書曰。秋八月庚辰。公及戎盟于唐。蓋善公之能。和戎者足。以紓冠難。而安定國家也。舊或疑諸侯非有天子之事。不得出會諸侯。凡書會與書盟。同皆惡之也。殊不知然其會之地曰潛。杜注。潛。魯地。蓋近戎之邑。雖出于意揣。而是年之會。戎欲之。以欲從人。則濟戎當就魯地。以成此會也。故謂潛為魯邑之近戎者得之。



# 夏五月莒人入向

常見莒為子爵入向者。莒子也。春秋特點其爵而稱人。非將平師少之謂。莒在今山東莒州。有地險可憑。東濱海。與淮夷接境。亦通于徐戎。每自外于中國。觀魯成公八年。申公巫臣如吳。假道于莒。與莒子渠邱公立于池上。巫臣曰。城已惡。莒子曰。僻陋在夷。其孰以我為虞。則蒙前之情。險可知。至尸子謂莒君好鬼巫。此又實與戎俗同矣。莒情險而。入於戎。故雖切近如齊。甚盛如桓公之霸。莒子皆不在。九合諸侯之列。及晉文敗楚而盟于踐土。再會于溫。乃兩書莒子。則其自外于中國者已久。其謀狡焉。啟疆以侵滅寡弱。春秋之前。蓋數數然矣。適當隱公二年之夏。五月。有入向之役。左傳謂莒子娶于向。向姜不安。莒而歸。夏。莒人入向。以姜氏還。其事亦鄙褻無足云。而必書曰。莒人入向者。意蓋欲以著向之終必亡。並見莒人之為魯患。將有事于盟者。亦不可得已耳。宣公四年正月。公及齊侯平莒及

邲。莒人不肯。公伐莒。取向。則莒之滅。向而有之。其前事。參此入。向。非其端乎。隱公八年。秋九月。辛卯。公及莒人盟于浮來。要亦本此年會戎于潛。復盟戎于唐。而推及之。則莒人之入。向。夫。非即魯所以盟莒人之端也哉。向為小國。杜預。譙國龍亢縣西南。有向城。今江南鳳陽懷遠縣西四十里。有故縣村。漢置向縣。龍亢在其西北。地太遠。非莒所能及。宋樂史寰宇記。謂密州之莒縣。故莒子國。有向城。在今縣南七十五里。即春秋時向邑故城也。地有向水。亦稱夜頭水。其名固為向。殆以此。未審果否。而地與莒近。較為可從。

# 無駭帥師入極

傳見張氏洽曰。左氏稱司空無駭。經不書官。夫子削之。按春秋所書魯臣。皆世卿。無特書其官者。當不得因無駭之不書官。而指為削。其意蓋以無駭未賜氏。無氏可削。則裁削其官耳。然魯卿自無駭以外。如慶、扶、柔、溺。皆書名者。就

以未賜氏立解。殊不確。前于元年公子益師卒。附詳詳之。定。知無駭於其父。卒已。賜氏而稱展。無駭矣。凡賜氏者。為世。卿於無駭。削其氏而但稱名。正以見其不成。為世卿也。則止削其氏。而所以削其官者。於義亦該。莒子之入向。非不帥師。君行。師從。不可以為罪。則罪其入向而已。至無駭之貶而削氏。則正在其帥師。通入極之前後觀之。夏之前為春。公則會戎于潛。夏五月之後為秋八月。公又及戎盟于唐。而無駭乃于會戎盟戎之間。竟帥師以入極。誰命帥之。又誰命入之耶。以此度其主兵擅權而無君其罪亦衆著矣。故因莒人入向與無駭帥師入極同在一月。遂聯書之。而一概從貶也。所謂極者。杜注。附庸小國。今山東兗州府魚臺縣有極亭。亦未審其果否。而仍得以與魯為近從之。

秋八月庚辰公及戎盟于唐

管見公之盟戎于秋。蓋于會于春之時同訂之。故曰非無  
同亦不至以春會秋盟為嫌。盟以結言于神。必當求往來  
書而歃血也。其事重于會。且戎俗多尚鬼。將盟于戎。則其  
事為尤重。是當按其時月日而特詳之。不得如會之統綱  
春也。至其月為八月。日為庚辰。杜氏制為長歷。推言是年  
七月有庚辰。八月無庚辰。非日誤則月誤。故遂以為經文  
之月日必有誤也。然杜氏制長歷而疑經文之月日必有  
誤。後更無有能檢勘長歷而直斷杜氏之編月日為必無  
誤者。則何如舍長歷而信經文之為得乎。公之盟戎稱及  
山。其會盟之與地推之。潛為魯地。唐為戎地。公自魯地以  
入戎地而從之。盟是為及耳。會盟所以結好。戎欲會而公  
與會。則公亦欲之矣。戎欲會而復盟。而公與會復與盟。則  
公亦皆欲之矣。因是戎先來就魯地。以為會公復往就戎  
地。以為盟。對待言之。並有合于以欲從人而門不濟也。乃  
杜氏既以春之會于潛為魯地。遂並以秋之盟于唐者亦  
指為魯地。且取高平方與縣之武唐亭以實之。夫春會于

言  
一  
潛則秋盟于潛可耳。秋盟于唐則春會于唐亦可也。何以會盟必異地哉。且公之會且盟總不出境而惟是使戎越境而從之會又從之盟則魯之不能得此于戎有斷然者。

# 九月紀履緌來逆女冬十月伯姬歸于紀

**管見**莊公三年秋紀季以鄒入于齊杜注鄒紀邑在齊國東安平縣今山東青州府臨淄縣東有安平城又有鄒亭以此推紀國所在當是齊之北境濱海處也考太平寰宇記青州漢置北海郡壽光縣屬焉有紀城古紀侯之國姜姓也今廢城在縣南又有劇南城故紀國漢時為劇縣今城亦在縣南是足證已至其書紀履緌來逆女當與成公八年夏書宋公使公孫壽來納幣互觀之蓋履緌而冠以紀其來逆女則國公使之矣來逆女與來納幣皆以君夫人故其所使大夫並稱名亦宜九月紀履緌來逆女冬十月伯姬歸于紀此特就昏禮之一節書之非其先固不納

帶也。成公八年夏，公孫壽來納帶，至九年二月，伯姬歸于宋。此又舉介禮而節分年書之，亦非當其歸之時，因不來逆也。陳氏傳良曰：內女為夫人，凡八見於經，未有來逆者。書逆紀伯姬，吾女遭人倫之變者也。伯姬喪在殯，紀侯失國，齊人莖之，魯問不及焉，故詳之也。是但哀其遇而已。而伯姬之賢，不若竊意隱公七年春王三月，書叔姬歸于紀，初莫得其來歸之由，於時益以伯姬歸紀，既五年而未有子，因習知女弟叔姬賢，乃白紀侯再聘之，以為宗祀計。故叔姬來歸于紀，皆伯姬之賢致之，非出紀侯之意。是以不書納帶，並不書逆女，隱公以見伯姬之賢致賢，實為重有賴于紀耳。莊公四年，紀伯姬卒，夏，齊侯鄭伯遇于垂，紀侯大去其國。六月乙丑，齊侯莖紀伯姬。紀侯先于三年秋，使弟紀季以鄒入于齊，大去其國，以復紀侯。蓋與叔姬託于魯也。莊公十二年春王三月，叔姬歸于鄒，以紀侯在魯而卒，叔姬不即安于父母之國，乃念祖廟在鄒，歸奉其祀，是能全節守義，不以亡故而虧婦道，卒成伯姬之志也。莊公

二十九年冬十有二月書紀叔姬卒三十年八月癸亥書  
莖紀叔姬皆以其質而致詳若此則前之叔姬歸于紀實  
由伯姬其賢不已並著哉惟叔姬舊指為媵以待年於國  
而後歸此不可以不辨夫媵之為言送也從也叔姬之歸  
後于伯姬凡五年於媵之義合乎且嫡稱伯姬其媵即從  
稱叔姬伯姬嫁于紀稱歸叔姬後五年而以媵從伯姬亦  
稱歸皆非名也徒以言禮者泥謂古諸侯一娶九女不再  
娶嫡夫人行則姪娣從合為三二國來媵之各以三女合  
為九夫嫡一而媵乃用八何以能備乎如魯嫁伯姬在本  
國宜以二媵從之可自主也餘六媵須自外來魯之與國  
中孰得定為必當來媵魯女之二國耶總之夫人之從嫁  
者別其名曰媵實則婢耳婢為女之卑者故媵亦名姪娣  
皆借女之卑稱以目之非稱姪者實為夫人兄弟之女稱  
娣者實為夫人之女弟也凡諸侯嫁女其同好因事用情  
恒以媵致之大抵購諸其國以及其異國則已觀成公八  
年夏宋公使公孫壽來納幣冬衛人來媵九年二月伯姬

歸于宋。夏季，孫行父如宋致女。晉人來，媵。十年夏五月，齊人來，媵，生得，謂衛晉及齊皆以已女為魯女之媵乎。媵之名實定，則叔姬本為伯姬之女弟，其歸于紀者，猶伯姬也。自是而伯姬之心雖至于卒，卒而至于因齊侯以薨，皆可無憾，亦獨以叔姬既歸于紀而紀侯之宗祀為有託也，賢哉。

## 紀子伯莒子盟于密

管見紀本子爵，以子而兼稱伯者，其時蓋得親于周平王。王新進其爵，以為伯耳。及平王崩，桓王嗣立，紀子伯復親于周，又自伯而進爵為侯，故魯桓公六年夏四月，書會紀侯于郕，冬復書紀侯來朝，不稱子，並不稱伯也。按紀子之進爵，既為伯，又為侯，皆由周天子有為而寵嘉之。觀桓公八年冬十月祭公來，遂逆王后于紀，九年春紀季姜歸于京師，以紀女入為周后，豈驟得此于王也耶？度其先平王宮中必有紀女，娶此季姜為桓后之緣也。紀子重為王之



姻親故以小國而再進爵他未有其比者然王室既衰非  
可恃以無恐則知此特著為紀于伯以別于莒子而乃接  
書莒子以及其盟于密正以誌紀之卒滅于齊其生豈實  
始于此紀在齊之北境海莒在齊之南境亦濱海密即  
今之高密地界紀與莒之間亦於齊當其東境也莒視紀  
為強密之盟紀子伯之志也周官彤方氏掌制邦國之地  
域而正其封疆無有華離之地使小國事大國大國比小  
國紀不能事齊而使齊比之乃欲結莒之強以自固而盟  
密齊安得忘情于紀乎故自隱公二年至莊公元年經二  
十八年齊師遷紀邢鄆邢又三年紀侯大去其國而紀亡  
矣盟密之生豈可不為大鑒也哉

# 有二月乙卯夫人子氏薨

**傳** 夫人子氏薨穀梁以為隱之妻也其論定矣夫隱公  
之薨既正其為夫人而於卒稱薨則隱公之實已即位而

為君者亦可互見又何不深究元年  
不書即位之故而至疑為攝與讓哉

## 鄭人伐衛

一管見此書鄭人伐衛欲以著鄭伯卒成克段于郕之謀使  
段不得復歸于鄭耳叔段自郕奔共共屬衛地段子公孫  
滑亦奔衛衛人為之伐鄭取廩延鄭人以王師執師伐衛  
南鄙且請師于鄭鄭人使私于魯公子孫孫請往公弗許  
遂行及鄭人鄭人盟于翼事見左傳即在克段之後仍屬  
隱公之元年此于二年書鄭人伐衛傳曰討公孫滑之亂  
也則前之以衛取廩延其非叔段之意可知鄭伯以叔段  
無能為有子公孫滑而莫之禁衛復助之以為亂故以其  
先時伐衛南鄙猶未足以逞也乃復為之興師伐衛以討  
亂欲使衛以終不得寧而悔禍則公孫滑失所恃于衛矣  
滑失所恃而叔段之老于共亦不復自衛而歸于鄭矣夫  
豈非鄭伯克段于郕之謀固以是為卒成之耶從可推鄭

之伐衛經獨書鄭人以斥之而不著其伐衛之由讀者以  
元年所書鄭伯克段于鄆通觀之則伐衛亦主于克段兩  
事而一心也

三年

春王二月

己巳日有食之

**管見**元年書春王正月此年書春王二月七年書春王三  
月王者治厯明時三春之月既一定而不易則夏秋冬之  
月亦即因以皆定而莫之易矣故春以後可下書王凡書  
日有食之必當在其日月會之朔日其朔皆一干支己巳  
其一也此既以干支書亦可知其為朔矣他有不書干  
支而但書朔或並干支與朔而皆不書者詳略雖異而日

有食之之年。月未嘗闕。皆足以備考也。至于日食之常。司  
愆者。率能以算得之。則只稱日食可矣。何以必曰日有食  
之耶。且自隱迄哀。凡二百四十二年。而紀日食者纔三十  
六。其遺脫不啻數倍。書法當不若是之疎。觀春秋凡書年  
月既盈十數。則並加有字。請去聲。與又音義同。如年稱十  
有一年。月稱十有一月之類。是已。以此知日有食之之有  
並同。又謂此日食之前。日既食矣。而至是又食之也。有之  
同。又為再見之辭。亦為驚訝之辭。所以怪其不當食而食  
耳。當食者不書。不當食者書之。故約之而止於三十六。特  
存以誌異。非存以考。愚也。夫豈少哉。再證之。小雅十月篇  
其詞曰。十月之交。朔日辛卯。日有食之。亦孔之醜。其有字  
同。又故申之曰。彼月而微。此日而微。微謂其光之以食而  
虧也。彼月非十月之交。其朔非辛卯矣。此日為朔日辛卯。  
則實為十月之交。而非彼月矣。彼月而微。此日而微。夫非  
既食而又食哉。故下章曰。日月告凶。不用其行。言當此朔  
日辛卯之日。在十月之交。之月。而天適告凶。以致日有食。

之其凶在不。用其行故也。行為度之別名。日月之合。東西同度。南北同道。則月掩日而日為之食。此用其行者也。本為當食。可以常目之。若乃以月侵日而不用其行。則為不當食。而食是告凶也。非常也。其不。載實甚。故下文復中之曰。彼月而食。則維其常。此日而食。于何不載。以是合春秋觀之。其所書日有食之。並當以有字同於又者。不可以。毛詩為注。脚哉。若夫周官定禮。凡日食。皆為大戒。王皆素服。食不舉。去樂。初不辨其當食不當食者。觀象宜精。則必辨定。禮宜嚴。則不必辨也。人君理陽道。聽外治。上應於日。職不修而謫見于天。日為之食。此正當恐懼修省。以答天變矣。於時若復辨其當食不當食。則或以為當食者。猶輕于不當食。固將不加警動而安其常。甚或謬指不當食者。亦概同於當食。且將肆其荒怠而忘所忌。其流弊可勝言哉。故言日食者。主一說而不知其又有一說。則未免于拘。

### 三月庚戌天王崩

管見社氏謂平王實以壬戌崩欲諸侯之速至故速日以  
卦法日謂壬戌之前十二日為庚戌者夫天王以壬戌崩  
而轉日前十二日之庚戌以卦既于事理有乖至其從而  
為之辭則曰欲諸侯之速至此殆因秋書武氏子來求則  
遂誤指為來自王所度非欲諸侯之速至當不出此乃憑  
臆言之而不加審也但杜氏作長恩知此年三月之有庚  
戌必矣有庚戌而復疑于庚戌之本為壬戌蓋平王之崩  
其以壬戌稱者或見於他書耳然不疑他書之說而反以  
疑春秋之偽其  
用心不亦左乎

## 夏四月辛卯尹氏卒

管見汪氏克寬曰詩節南山朱子傳尹氏蓋吉甫之後春  
秋書尹氏卒公羊以為譏世卿者即此也今案詩常武王  
謂尹氏指吉甫也家父云尹氏太師又云赫赫師尹則尹  
氏當幽王時為三公矣此書尹氏卒則來卦于魯也五年

傳稱王使尹氏助曲沃伐晉。僖二十八年王命尹氏策命晉侯為侯伯。文十四年王使尹氏訟周公於晉。成十六年十七年尹武公會諸侯伐鄭。昭二十三年尹氏立王子朝。二十六年以子朝奔楚則尹氏始終秉權。又曰宣王時吉甫已稱氏。春秋惟尹武公兩伐鄭稱子其餘經傳所紀悉曰尹氏。此其著尹氏之為周世卿者詳矣。然春秋之書尹氏卒意蓋惡其卒而訃於魯但稱尹氏而不名耳。觀前書三月庚戌天王崩周天子至尊無上稱天王及其崩而訃于齊列諸侯之魯是固無稱名之禮也。觀後書秋八月庚辰宋公和卒周天子以宋為王者之後特稱公其卒而訃于魯亦稱名則凡諸侯不生名死而告終則皆名之亦禮也。尹氏為周世卿亦統稱內諸侯其爵等不加于公雖卿以世及亦不得比于王者之後。又況今之至尊為天王者乎。乃當魯隱公三年夏四月辛卯先于宋公數月而卒宋公如禮以名訃而尹氏不然。後于天王一月而卒天王如禮不以名訃而尹氏亦然。其示外諸侯以沐侈已至是甚。

則其不克以恭順事周天子當復不可言矣。是後文公三年夏五月。書王子虎卒。定公四年秋七月。書劉卷卒。一事周襄王。一事周敬王。皆為卿士。秉政並有功王室。諡文公。夫經稱王子稱劉亦氏也。與尹氏一例。而虎與卷之名。於其卒著於魯史。是則必以名。卦於禮固然。此尹氏以世卿而卒。其卦於魯不稱名。魯史亦無所據。以書其名。則但書曰尹氏卒。而春秋因之。則誠所謂不待貶絕而自見者。獨思尹氏系出吉甫之賢。吉甫當宣王中興時。其裔得世居卿位。春秋以前有尹氏太師。乘幽王之大壞。以秉均亂政。家父作節南山以刺之。詩具存。尹氏在春秋之初。曾不知鑒而肆志效尤。既至以尹氏卦而不名矣。延及魯昭公二十二年。周景王崩。立王猛。尋卒。復立敬王。有尹氏立王子朝。以庶孽奪正。王室大亂。凡皆以世卿擅權故也。然則此隱公三年。書尹氏卒。雖在春秋之初。而其卒後之遺禍。不將愈大。而彌烈哉。尹氏死而有知。亦當以春秋大義炳然深自悼其求名而不得也。



# 秋武氏子來求賻

**管見**孫氏復曰。武氏世卿也。其言武氏子。父死未葬也。此說得之。古諸侯之適嗣在喪皆稱子。則王朝世卿之子當亦然。武為世卿之氏。此統稱武氏子。而不別之曰武氏之子。自應作一人看。何以來求賻以武氏子之父死於時。當葬而未能葬耳。凡世卿之家多習於奢靡。自非乘權秉政。則必有資用之絕而不能治葬者。以是而來求賻非得已也。然則春秋書之於武氏子無譏乎。非也。其辭亦明譏武氏子。而其意殆實惜以。隱譏尹氏者。與如前書夏四月辛卯。尹氏卒。著其來訃於魯。特稱尹氏而不名。汰侈已極。固赫赫在人耳目間矣。是後諸侯謀歸之賻。當必往者相踵。何待於來求。且來求者所得亦無幾。至於不來求而自往所得又惡可算哉。春秋書法。每多言在此而意在彼。須通觀之。

# 八月庚辰宋公和卒

官也。宋稱公，其本爵也。與魯侯之通稱公，及他國諸侯之死，則稱公不同。宋公名和，諸侯不生名，示有尊也。死則名之，示不泯也。其大意蓋如此。宋公之卒，不書薨，既以別於本國臣子之尊其君者，雖不書薨而必正書卒，又以別於他國臣子之弑其君者。且魯君皆書薨以誌卒，而當其初立，則即位必書其或，不書即位而書其元年，則亦既即位也。詳內也。他國諸侯並以書卒，不書立，略之。然前君書卒，則後君之立可知。至於後君書卒，則為繼前君而立，亦可知。雖從略而末之有闕也。

## 冬十有二月齊侯鄭伯盟于石門

管見盟于石門，蓋鄭伯之志也。經於三月，書天王崩，僖稱四月，鄭祭足帥師取溫之麥，秋又取成周之禾，此以周人

將昇號公政故爾而經復於冬十有二月書齊侯鄭伯盟于石門是必由鄭伯既得罪于周乃遽思結黨于齊也豈齊侯之志哉夫東邦莫大於齊論齊僖公者亦謂其自以為小伯是足與矣傳又謂春秋以前齊鄭有盧之盟此因而尋之則鄭伯既得有郕且盧地屬今山東之長清縣石門亦在盧地則約以前盟之地為今尋盟之地在齊不得許而鄭伯之如齊並不嫌於相就其盟之計較周匝蓋如此然亦有不及防者傳卒有言曰庚戌鄭伯之車債於濟將強其國而身幾不免敢勿省與

## 癸未葬宋穆公

管見他國之君亦猶之吾君雖死則名之究之殆可奪口不可得言也古者君卒必以將葬之前為之諡諡以尊名即所以諱名故於葬宋公而書其諡曰穆公耳夫穆公將葬魯使其臣會葬則知當時魯宋之交雖不克終而仍未

之絕也。蓋莒移公而日以癸未。國即在三年之冬十有二月矣。是月也。齊侯鄭伯盟于石門。而魯不與。至六年春。鄭人來輸平。夏五月辛酉。公會齊侯盟于艾。而後齊鄭之好通。則魯與宋之相結。其或曰元年之盟於宿。宋公不至。而敵疑東之端。而要不至。若九年六月。公敗宋師於菅。遂乘以取郕。取防也。故於宋公之卒與莒。其常禮亦未有執者。

四年

# 春王二月莒人伐杞取牟婁

管見考太平寰宇記云。濰州樂昌縣本夏邑。商以前封國。據此。則夏之後商。已封之於杞。其地在宋濰州之樂昌縣。與今山東莒州逼近。莒國在莒州。故得伐取之。其所取之邑。為牟婁也。牟婁杜注。杞邑。城陽諸縣東北有婁鄉。今婁鄉城。在山東青州府諸城縣。又僖公十四年春。諸侯城緣陵。以淮夷病杞。故齊桓公合諸侯城之。緣陵杜注。杞邑。

後漢志北海郡有營陵縣。薛瓌曰：春秋謂之緣陵是也。其故城在樂昌縣東南七十里。今屬山東青州府。是皆指商以前所封之杞言之。若當周武王伐商之始，封夏后氏之後，則以夏邑之前封者，僻陋而接萊夷杞子，亦習久而即於夷，不足參諸陳宋二國以備三恪，乃於豫州中土，別封東樓公而仍其舊國之名曰杞，則今河南開封府之杞縣也。兩地並存，至春秋未改，說者多混而一之，亦特疑於一國而兩地並存於周末始有可證耳。按虞時有伯爵，與禹平水土，佐舜馴擾禽獸，賜姓虞，至周而世居犬邱，成大騶之族，犬邱屬今陝西西安府之興平縣，其地或出新分，或因舊服，雖不可知而要必由周之駕於繼絕舉廢以相及也。厥後非子事周孝王，主養馬於汧渭之間，馬大蕃息，非子之父大騶有適子成，孝王欲以非子為大騶適嗣，不果乃分土為附庸邑之秦，使復續虞時伯爵，嬴氏祀號曰秦，屬今鞏昌府之清水縣，亦不廢大騶之適子成居犬邱者，是非一國而兩地並存之證乎？其於杞亦又何疑？但言

子之強橫於二年書莒人入向猶未之取也。至今四年而復書莒人伐杞取牟婁夫豈惟取之而已哉。觀後昭公五年夏書牟婁以牟婁及防茲來奔則莒之取牟婁而尋以并牟婁者已多歷年所至昭公時早不辨牟婁之為杞邑矣。然當其取牟婁也隱公不能助杞以報莒當不得不鑒杞以求好於莒。從可知八年秋九月辛卯公及莒人盟於浮來雖遲之又久而其勢亦有不能以己者與。

## 戊申衛州吁弑其君完

**管見**以三年之冬十有二月合之四年之正月二月約九十日其日之干支由冬十有二月之癸未歷二十五日為戊申再由戊申一週而復值戊申加六十日共八十五日總在所合三月之九十日內也其或有月小不及三十日者亦仍有餘於所積干支之八十五日外矣而杜氏以為四年之二月無戊申必當三月其誤由所作長歷臆定四

年之二月為公亥朔。故戊申不在二月而必歸之三月耳。長歷之不可據。類如此。程子曰。自古篡弑多公族。春秋書弑君者。多不稱公子公孫。蓋身為大惡。自絕於先君矣。豈得復為先君子孫哉。家氏鉉翁曰。衛州吁。齊無知。春秋絕其屬籍。書名者。弑及其殺也。書衛人殺州吁。齊人殺無知。不予以。為君名。其為賊。示國人皆可殺。此春秋誅討亂賊之刑也。

# 夏公及宋公遇于清

**管見**王氏樵曰。此非無事而遇。蓋有所謀也。魯宋合交。將以謀鄭。托於無約而遇。蓋秘其跡也。其說與下兩書伐鄭有闕會。但以為魯宋合謀。則不然。竊意伐鄭為宋公之志。其時雖有衛人與陳蔡從。猶思借助于魯。故來會。以為乞師之地耳。但公自元年秋九月及宋人盟于宿。以宋公之不躬自來盟為深恥。于心終不釋然。及茲宋公和卒。湯公

以夷新立。以將伐鄭而期會公于清。公不能遽絕之。勉強相就。故不得真書。公會宋公于清。而但書曰。公及宋公遇于清。公羊謂及猶汲汲。又以為我欲之。此及字緊讀則然。若从緩讀則又有不須汲汲。非我欲之。而實人欲之者。亦不得已而相從。仍不嫌于同。以及稱焉。禮言不期而會曰遇。特指諸侯之道塗適相值者言。非謂春秋凡書遇者皆為不期而會也。桓公十年秋。公會衛侯于挑邱。弗遇。此遇字則兩君初得見之。統詞遇而後得會。亦有雖會而如其未會者。不可以一視也。如宋公。有期以會公。公非汲汲欲之。特由不得已而如其期以及之。其會也獨不至於欲會公而弗遇已耳。豈得竟指為會而不稱遇哉。以此知伐鄭之謀。公未嘗與宋公合也。再以經傳證之。下書宋公陳侯蔡人衛人伐鄭。與此書公及宋公遇于清者同。繫之夏則宋公之伐鄭。其謀早定。不待遇公而始決矣。至秋書。羣帥師會宋公陳侯蔡人衛人伐鄭。傳曰。諸侯復伐鄭。宋公使來乞師。公辭之。羽父請以師會之。公弗許。固請而行。故書



曰。鞏帥師。疾之也。試思公與宋公。誠以遇于清而合謀伐鄭。其乞師惡得辭。且于羽父之請而弗許乎。書鞏以疾羽父。疾其專兵柄而徑行。不由公命。亦即不憚矯拂公之心也。又五年秋九月。書邾人伐宋。傳曰。宋人取邾田。邾人請鄭人釋憾于宋。而道之伐宋。入其郛。宋公使來告命。公聞其入郛也。將救之。問於使者曰。師何及。對曰。未及國。公怒。乃止。辭使者曰。君命寡人。同恤社稷之難。今問諸使者曰。師未及國。非寡人之所敢知也。夫以宋人兩伐鄭。而鄭因邾人以還伐之。入宋之郛。雖云公將救之。而旋以使者之對小激遂怒而止。而辭使者。其言有憤心。當是時也。公終不釋然於元年之盟于宿。決然與宋絕矣。安得以其先年之未遽絕宋。猶然過于清者。遂揣為魯宋合交。將以謀鄭也耶。至于清之所在。杜注。衛邑。濟北東阿縣有清亭。今東阿縣屬兗州府。太平寰宇記。東阿縣春秋時為齊之阿地也。既與杜稱衛邑不合。而亦無以證東阿之有清亭地名繁碎。舊不詳載。求其實則難。姑闕之。

# 宋公陳侯蔡人衛人伐鄭

常見初宋宣公舍其子與夷立弟穆公和。穆公將卒。復舍其子馮而立先君宣公之子與夷。為君。使公子馮出居于鄭。鄭人欲納之。此宋公伐鄭之端也。宋公主兵。故首書之。不去爵。目其人。以見伐鄭去馮。實其隱願。雖無衛州吁之來告。亦何嘗一日去諸懷耶。得稱衛州吁初立。將修先君之怨于鄭。而求寵于諸侯。以和其民。使告于宋曰。君若伐鄭。以除君害。敝邑以賦與陳蔡從。則衛國之願也。宋人許之。于是陳蔡方睦于衛。故宋公陳侯蔡人衛人伐鄭。圍其東門五日而還。夫衛州吁弑君自立。好兵而修鄭怨。並探宋之害在鄭。必將除之。乃欲相結以興伐鄭之役。則罪其主謀。而貶稱衛人。固宜。至陳蔡皆從衛以黨州吁。則當一例稱人。乃陳稱陳侯。不同于蔡之稱人者。何也。或以下書九月衛人殺州吁于濮。濮為陳地。傳稱州吁如陳。陳因衛石碏告陳圍之。陳人遂執州吁而請蒞于衛。九月衛人使

右宰醜泣殺州吁于濮。則衛人之能討賊。陳侯有力焉。故獨不去爵而稱侯。與惟是宋公書爵大著其主兵陳侯書爵節取其討賊。必各有屬。須分別觀之。

# 秋翬帥師

## 會宋公陳侯衛人衛人伐鄭

管見翬帥師。則其公子與二年書無駭帥師同。獨斥其再兵柄而徑行。則一足。豈必待後之謀于桓以弑隱。乃加聚絕哉。前書伐鄭。于夏。此書會伐鄭。繫于秋。時既不同。又重序四國。詞煩不殺。當依左氏作再伐言。其前之伐鄭也。蔡莊公誦詐多謀。長於用師。知宋陳蔡衛之四國。無能為也。故雖其子忽與突。及祭仲。原繁。高渠彌之徒。皆能戰。不令禦之。惟閉城以自固。於是四國圍其東門五日而還。及秋而得翬之帥師來會。宋主兵而衛主謀。當共謂軍勢加。

盛。可。以。得。志。于。鄭。也。彼。陳。蔡。敢。有。異。乎。於。是。復。伐。鄭。及。其  
卒。也。傳。獨。誌。其。敗。鄭。徒。兵。取。其。禾。而。還。於。鄭。仍。無。所。損。蓋  
鄭。莊。既。見。四。國。之。無。能。為。加。一。聲。與。前。等。耳。特。變。其。法。而  
出。徒。兵。以。嘗。之。既。敗。仍。閉。城。以。自。固。聽。其。無。聊。而。作。取。禾  
之。舉。則。已。然。鄭。之。計。必。出。此。由。莊。公。作。意。示。怯。欲。使。再。伐  
者。之。師。出。無。名。得。以。重。其。罪。咎。而。後。報。之。為。有。辭。也。至。五  
年。四。月。傳。稱。鄭。人。侵。衛。牧。衛。人。以。燕。師。伐。鄭。鄭。敗。燕。師。于  
北。制。又。五。年。九。月。經。書。邾。人。鄭。人。伐。宋。傳。謂。鄭。人。以。王。師  
命。邾。伐。宋。入。其。郛。宋。人。使。來。告。命。凡。皆。以。報。東。門。之。役。也。  
其。報。之。止。以。東。門。稱。者。以。其。自。夏。徂。秋。凡。兩。伐。鄭。皆。至。其  
東。門。而。他。無。所。及。也。云。爾。豈。嘗。得。如。鄭。之。伐。衛。既。侵。其。牧  
邑。而。並。敗。所。與。之。燕。師。于。北。制。哉。又。豈。嘗。得。如。鄭。之。伐。宋  
以。王。師。會。邾。入。宋。之。郛。遂  
至。意。而。使。人。告。命。于。魯。哉。

## 九月衛人殺州吁于濮

管見濮陳地。衛人殺州吁。何以殺之於陳也。傳曰。州吁未能和其民。厚問定君于石子。石子曰。王覲為可。曰。何以得覲。曰。陳桓公方有寵于王。陳衛方睦。若朝陳使請。必可得也。于是州吁如陳。但州吁弑桓公而自立。桓公為戴嬀之子。出自陳。及桓公弑。而戴嬀歸于陳。則仇國也。州吁如陳而絕不疑其圖已者。以其再伐鄭而陳侯皆從之。其睦于衛為可信耳。然毛詩有燕燕篇。其卒章曰。仲氏任只。言仲氏。雖婦人女子。其搖當正。使我歡服也。又終之曰。先君之思。以勗寡人。先君謂桓公。寡即老而無夫之稱。桓公立十六年。而州吁弑之。故稱先君。此戴嬀所不能一日去諸懷者。惟莊姜嘗以桓公為己子。則當有同心也。故于遠送之時。以為君討賊之事。重叮嚀焉。其勗之謂何。以為在陳之事。妾勉為之。在衛之事。夫人勉為之。此別應須各努力也。由是以思。可知衛殺州吁之謀。石碏為之主。戴嬀為之使。莊姜則又終主與使之間。而為之輔。而州吁遂死于濮。故經書衛人殺州吁。與書齊人殺無知同。所以仲大義于國。

也。而必指其殺州吁之地。曰于濮。則陳之有力並見。

## 冬十有二月衛人立晉

管見殺州吁。石碯謀之。則如傳稱逆公子晉于邢而立之。亦石碯矣。家氏鉉翁曰。九月殺州吁于濮。若書碯。則是一人之私討。而不見其從衆惡。故惟書衛人。及冬十有二月而立晉。亦不書石碯。而曰衛人立晉。立君從衆望也。亦非一人之所得而私立也。此論極允。至于他國之君皆書卒不書立。而衛獨書立晉者。既明衛國弑君而有君。亦即見衛國雖有君而實不可以為君也。何以見之。禮諸侯不生名。鄭氏曰。諸侯之生名。皆有大惡。呂氏曰。諸侯有生名者。德不足以君一國。而位號存焉耳。衛宣公初立。則諸侯矣。而生名之曰晉。則有大惡而德不足以君國。亦概見矣。觀宣公之立。當隱之四年十二月。及五年夏。始薨。衛桓公于秋。即書衛師入郕。是為暴德大惡也。可以為君乎。郕為文

之昭與衛同姓。宣公以師入郕。則志在滅之。既無辭于諸侯。之滅同姓。則名矣。且宣公即位以後。其恣情淫亂。不得登于春秋。而彰聞衛國者。系先君之妾夷姜。要納公子伋之妻宣姜。是為穢德。亦大惡也。又。可以為君手。先王九伐之。諸侯有鳥獸行。則滅之。滅國則國失矣。宣公幸免。王誅國不失。而罪在當滅。復無辭于諸侯之失國。則名矣。可知此書衛人立晉。由孔子以宣公在位十九年之行事而統核之。見其絕無一善之可容。取節者。乃遂于即位之初。特據諸侯有生名之例。而加之重貶也。說者或以立晉不書公子。為削其氏。諸侯臣諸父昆弟。則凡為公子者。皆將臣之。晉既立為君矣。猶以稱公子。不稱公子為加損哉。

## 五年

## 春公觀魚于棠

管見按公羊以魚為常物。無足觀。其觀者。必百金之魚。故曰登來之。又中登來為美大之。看魚字似泥。孔疏謂捕魚為魚。獸獵之類。言使捕魚者。設備取魚。因觀之以為戲樂也。是為得之。棠杜注。高平方與縣北。有武唐亭。及魯侯觀魚臺。今兗州府魚臺縣魚亭山。是其處也。寰宇記亦因之。則克雖遠於國都。仍在魯之境內。故左傳曰。且言遠地也。亦屬帶說。家氏遂謂棠在宋魯之間。無故而遠出。為氏之禍。其兆於此乎。殆不必然。再按經書五年春。公觀魚于棠。明譏公之非禮。正以陰許臧僖伯之諫。觀魚為能事。君以禮也。臧僖伯即公子彊。後書冬十有二月。辛巳。公子彊卒。於彊卒。特書公子。與後八年九年。書無駭卒。挾卒。皆不稱公子。而削其氏者。迥異。則彊為公子之賢者也。其賢以諫公之。觀魚為最著。故其卒也。公曰。叔父有憾於寡人。寡人弗敢忘。葬之加一等。其稱有憾。以其諫。觀魚而弗從也。葬之加一等。公借以表其賢而亦自悔於向之觀魚也。夫。



# 夏四月葬衛桓公

管見衛桓公遇弒至此閏十四月而始葬固以著州吁之亂然下書衛師入郕即在其秋則距葬桓公之夏四月亦無幾是又足以著衛侯晉之暴矣

## 秋衛師入郕

管見經書夏四月葬衛桓公傳亦於四月紀鄭人侵衛故以報東門之役衛人以燕師伐鄭經不書猶謂其不得已而應之也乃桓公方葬鄭憾未得平及秋而衛師入郕經特書之稱師則有衆稱入則大侵此其好兵修怨與州吁無以異特不為弑桓公之賊已耳豈得以衛人殺州吁而立晉遂共指為衛有君哉孔疏鄭叔武文王子武王之母弟後世無所見不知其君號諡惟文十二年書鄭伯來奔則鄭國伯爵也寰宇記濮之雷澤縣本漢成陽縣也古郕

伯姬姓之國今縣北三十里成都故城是也

# 九月考仲子之宮

管見惠公以仲子為夫人其卒以夫人訃故天王亦使宰啗來歸賜也夫人卒必祔於廟隱公之母聲子為惠公繼室且謚曰聲隱公必奉其主以入廟矣至仲子有子桓公而未立為君若祔於廟隱公惡得祀桓公之母如其母哉是則仲子雖稱夫人卒其主仍在其卒時之殯宮桓公守之未始祔於廟也及隱公五年桓公少長三年之喪畢又踰年而主未得祔當不能無言也於是議別立仲子之宮使桓公主其祀特欲卒成惠公以仲子為夫人之志耳其考仲子之宮必曰是夫人仲子之宮也春秋刪其夫人而只稱仲子與前書歸賜一例

## 初獻六羽

管見凡祭之有薦曰獻。以羽舞入而亦稱獻者。從其牲祖齊爵之薦而統言之耳。九月考仲子之宮。而其主遂因以入。是曰初。於其初入主之祭。而樂用六佾之羽舞。意欲借以尊崇仲子。使衆見為應公之夫人也。故春秋正之。既於考仲子之宮。削其夫人。亦即聯書初獻六羽之疑。于夫人者。以示譏焉。孔疏以魯之僭用八佾已久。而此忽改用六佾。遂有善其能復正之說。殆因誤解初字。故然。按王制云。天子賜諸侯樂。則以祝將之。賜伯子男樂。則以鼓將之。止分二等。則樂之有舞在五等之諸侯。亦擬止分二等。為得蓋公侯皆用六佾。伯子男皆用四佾。降而為二。則不成為舞矣。乃左傳載衆仲之論羽數曰。天子用八。諸侯用六。此於諸侯之等不分。豈遂謂伯子男同用六佾為可乎。至其從天子用八。降殺以兩而推言之。則曰大夫四。士二。考儀禮之少牢。特牲二篇。詳列大夫士之祭禮。絕不見有樂舞之用。四佾二佾者。其羽數之有定。復何所據哉。再按孫氏覺曰。凡舞有干羽。此不言干。但言羽者。婦人無武事。但陳

羽舞也。此說近之。但諸侯之廟祀有六佾之舞。羽舞主象文德。干舞主象武功。皆以旌諸侯也。夫人祔於廟。配之。得同几。當其祭。備樂舞。夫人與之而已。豈武舞不闕。夫人而文舞亦兼涉。夫人哉。從可知。仲子別宮在五廟之外。惠公之室不入。則廟祀之樂舞皆不得用。無煩辨其用羽而不用干者。猶得於婦人之無武事為有合也。

## 邾人鄭人伐宋

一。晉見隱公四年。宋再伐鄭。至此五年秋九月。鄭人伐宋。報宋門之役也。鄭人主兵。而先邾人者。欲以若鄭人之實為主。兵而復因邾人。以巧避主兵之名耳。傳稱宋人侵邾山。邾人告於鄭曰。請君釋憾於宋。敝邑為道。是使鄭主兵。與鄭人以王師會之。會邾師也。邾得王師以為鄭師之道。鄭師從之。遂得長驅伐宋。入其邾。是實鄭人之釋憾於宋也。特若鄭人助邾人。以釋憾於宋者。然豈得罪其主兵也哉。鄭莊公之詭道。春秋發其隱矣。

# 螟

管見詩稱螟螣蝻賊。集傳云。食心曰螟。食葉曰螣。按蝻之害苗。未有食心而不並食葉者。恐螟螣不可為兩。致月令云。仲春行夏令。則國乃大旱。煖氣早來。蝻螟為害。仲夏行春令。則五穀晚熟。百螣時起。其國乃饑。據此。螟螣分見。似難合而一之。然春秋書螟者三。無書螣者。又蟲災不見於春。則月令之言蝻螟於仲春。著其以早蚤為發生之由。來耳。非遂為害也。李巡云。言其蝻冥冥難知。此借以明先之與形而沴氣伏藏可矣。至於仲夏失和而蝻螟之為害者。俱作是謂百螣時起也。螣亦音騰。為神蛇無足而能飛之名。然音騰者。徒登切。音特者。徒得切。其出口之分別無多。義當相從也。可知蝻螟之改稱百螣亦即因螣蛇之螣。借義轉音以見其起之勃焉而已。由此斷之。螟螣一蟲也。可單稱螟。可加稱蝻螟。可分稱蝻螟百螣。亦可合稱螟螣。總之。則一螟而已。螟之為蟲。將何屬。殆即今所呼蚱蜢者是。

已。蚘音綿。似蠶而小。旱煖積雨。下日中。則附苗成質。絲網葉上。食葉盡而化為蛹。有間見之時。多則所在皆是。而為父矣。至其特害於九月者。非至九月而始見也。螟多作於仲夏。作而不已。遂綿延及於季秋。其餘孽猶未盡殄。則是多而又父其災。特甚。因獨據其後之九月書之。攷本草穀類。稷有七八月收者。黍有五月種者。至八月乃熟。若粟之種多。中者名八月黃。晚者名寒露粟。其穫皆遲。又有稷稻之遲者。及落麥之秋。前種者並非至九月不得登場。然則螟之為災。其作既多。復久之而不絕於九月。穀於是盡矣。豈不甚哉。

## 及十有二月辛巳公子彊卒

〔管見〕彊卒。書公子。賢之也。其賢以素行著聞。匪直以其諫。隱公之如棠觀魚已也。蓋諫以言顯。若但以言取人。其子哀伯達嘗諫桓公之取郕。鼎而納於廟。其文具見左傳。亦足與其父僖伯彊相埒。而春秋究未嘗書公孫達卒。殆因

其素行無可貶斥。  
亦無足褒稱故爾。

## 宋人伐鄭圍長葛

晉見宋人於冬伐鄭。報九月入郕之役也。郕為宋之國都。鄭人伐之而遂入之。長葛鄭邑也。宋人伐鄭而圍其邑。則以四年之會伐鄭較之。今並不取。偪鄭之國都而圍其東門矣。其不忍於憤而勞師結禍何為也哉。

### 六年

## 春鄭人來輸平

晉見鄭人之來輸平。欲結魯以報宋也。五年秋九月。鄭人鄭人伐宋。鄭實主兵而邾為之遣。遂伐宋入其郕。以為足報東門之役矣。及冬十有二月。宋人復伐鄭。圍長葛。豈得不復謀所以報哉。於是。以邾小。不足賴。乃謀結於魯。而以

六年之春來輸平也。輸平與乞和納叛相似。然乞而不納。納而不乞者有之矣。而鄭人則非漫然而來也。蓋四年之宋伐鄭。宋人使來乞師。公辭之。至五年之鄭還伐宋。宋人使來告命。公又辭之。則知前之盟宋人於宿。過宋公於洧。早有絕宋之心。鄭莊殆悉聞而熟計之者。惟五年之再伐鄭。適有鞏之帥師以會宋。遂致敗鄭。徒兵而取其禾。在鄭莊。諗知其非公志。魯固無所怨於鄭也。但恐隱公以鞏之故。終不能諒鄭之無怨於魯耳。故其來輸平者。亦獨自輸其無怨於魯之情。以告魯使之釋其猜疑。而締其交好也。自是而魯與鄭平矣。

## 夏五月辛酉公會齊侯盟于艾

〔管見〕吳氏澂曰：前此魯未嘗與齊交。因鄭輸平之後。而公始與齊盟。蓋鄭莊之謀也。齊侯與魯為盟。為鄭結魯也。汪氏克寬曰：宋瑒既合五國之師伐鄭。又出師圍邑。經年而取之。鄭之怨宋深矣。去年與邾伐宋。未足以釋怨。故特平。



齊魯以爲他日伐宋之謀。魯與齊盟而曰鄭莊合齊魯者以三年齊鄭盟石門知齊鄭合黨也。盟不書及而書會則非魯志而齊欲爲盟也。通二說觀之而義備矣。父杜注。泰山牟縣東南有父山。今山東青州府蒙陰縣西北。

# 秋七月

一管見春秋凡歷一時無事必書首月者非欲備四時以成歲也。欲見四時十二月皆自古定之而不可易耳。故周之改元首十一月與前商之改元首十二月初未嘗以冬爲春。以十一月十二月爲正月。蓋歷不行夏之時者詳見前。隱公元年之。齊王正月。

# 冬宋人取長葛

管見五年冬十有二月宋人伐鄭圍長葛六年冬宋人取長葛兩役也。舊皆以爲一役計其自圍及取雖或宋之報。

師不憚暴師經年，鄭獨何所畏，避之而不據，直似以長葛  
要之。宋哉，故知五年冬之圍長葛，以不能入而師還。至六  
年冬而復以師往，雖得乘間而入，乃即圍以取長葛也。但  
宋人之圍長葛，與取長葛雖為兩役，而其意主於伐鄭則  
猶之一。役耳。故經書宋人取長葛，不更加伐鄭二字。夫宋  
之伐鄭，以五年九月，鄭以邾人伐宋而入其郛也。至是而  
取長葛，則亦入其郛而取之，以為差足以報鄭矣。然是年  
春，邾人來輸平，鄭欲結魯也。夏五月辛酉，公會齊侯盟于  
艾。齊復為鄭結魯也。其後十年二月，公會齊侯鄭伯于中  
邱。夏，單師，師會齊人，鄭人伐宋。六月壬戌，公敗宋師于  
菅。辛未，取郛。辛巳，取防。皆此取長葛者。  
有以厚其毒也。宋殤惡能見及此乎。

## 七年

## 春王三月叔姬歸于紀

〔管見〕叔姬伯姬之女弟前書伯姬歸于紀此書叔姬歸于紀高氏閔曰婦亦書歸若堯之二女降于妣洎皆曰嬪此義為近但以婦為姪婦之婦仍誤指叔姬為媵也辨詳前伯姬下

# 滕侯卒

〔管見〕凡伯子男之爵皆通稱諸侯滕為子爵其卒書滕侯從通稱也如十一年書滕侯薛侯來朝詳之伯爵與滕子異而通以侯稱則其例已至宣公九年書秋八月滕子卒成公十六年又書夏四月辛未滕子卒則從其本爵耳戊辰滕之先木侯爵後為時王所黜故兩稱滕子殆爵漸也觀桓公十七年書六月丁巳蔡侯封人卒及葬書秋八月癸巳莒蔡桓侯不稱公亦從本爵而不從通稱故然蓋通稱為虛位所以達臣下之情本爵為定品所以辨等列之實並權于禮而有合者至此滕侯之卒不書名今世次考不詳謂其史闕無文可矣若宣公時之滕子昭公元也成

公時之滕子，文公時也。豈嘗聞乎？而經何以不書？蓋意欲  
侯卒，則書名，葬則書諡，所以諱其名也。魯之於滕，足時  
約使人弔，而猶不使人會，其意與不會，則不得書，蓋亦  
非不得書，詔何以諱其名哉？故但書卒而不斥其名，以是  
為諱也。

云爾

## 夏城中丘

管見程子曰：凡書城者，完待也。中丘，杜注云：在鄆，鄆臨沂  
縣東北。今山東兗州府沂州東北三十里。有中丘城，沂州  
與莒州接壤，中丘在沂，其偏處者為莒，則知魯城中丘所  
以備莒也。前二年夏，莒人入向。四年春，莒人伐杞，取牟婁。  
曰：入，曰取，則其城不足保。公殆鑒此而為是役與？但攷之  
禮記月令：孟夏之月，則稱是月也。繼長增高，無有壞墮，毋  
起土功，毋發大衆，毋伐大樹。季夏之月，又稱是月也。不可  
以興土功，毋舉大事，以搖養氣。毋發令而待，以妨神農之

事也。舉大事則有天殃。以是謂  
及城中邱。春秋譏其不時。亦允。

## 齊侯使其弟年來聘

晉見左傳曰。齊侯使夷仲年來聘。結艾之盟也。穀梁曰。諸侯之尊。兄弟不得以屬通。其弟云者。以其來接于我。舉其貴者也。胡傳曰。年者齊侯公之母弟也。侯公私于同母。寵愛異于他弟。施及其子。猶與嫡等。遂成篡弑之禍。故聖人於年之來聘。特變文書弟。以示貶焉。汪氏克寬曰。諸侯之弟。貶則書名。不貶則書字。故許叔蔡叔蔡季紀季皆賢而稱字。且不書弟也。節錄數說。而義亦該矣。

## 秋公伐邾

管見左傳秋宋及鄭平。七月庚申。盟于宿。公伐邾。為宋討也。按宋之伐鄭。初圍長葛。再取長葛。鄭之怨深矣。而未自

以執也。方於上年春謀結魯而來輸平。拔于夏五月辛酉。  
得使齊侯相與結魯而盟於艾。今年夏齊侯復使其弟年  
木勝亦欲結艾之盟而冀魯之國與鄭也。宋何嘗得與鄭  
平。且以七月庚申盟于宿哉。傳意徒以經於是年秋突書  
公伐邾。冀其起釁之由。乃牽合前稱邾人鄭人伐宋而  
為之說。遂斷以為公伐邾為宋討也。杜氏申之。則謂公距  
宋而更與鄭平。欲以鄭為援。今鄭復與宋盟。故懼而伐邾。  
故以求宋。故曰為宋討。夫邾之初伐宋。鄭以之也。將求于  
魯而為之伐邾。不轉疑于報鄭之。以邾伐宋而失鄭之援。  
此其辭愈曲。而于事理為益遠矣。然則公何為而伐邾。  
也。於時殆由邾儀父有渝于蔑之盟而來伐耳。邾渝盟而  
來伐。公安得。不因而伐之耶。惟公之伐邾。志於驅之出境。  
然已不以大克為功。因使邾之收其徒衆而還者。亦不至  
於甚敗為辱。以故邾之於魯。卒未聞其相讐而迫國再舉  
也。然公為應兵。邾為主兵。經乃不書邾伐我。而獨書公  
伐邾者。其意以尊魯之為宋國而抑邾之為附庸云爾。

# 冬天王使凡伯來聘

管見凡杜注。凡國。伯爵。汲郡共縣東南有凡城。今凡縣故城。在河南衛輝府輝縣西南二十里。汪氏克寬曰。凡伯。周公之兄。詩板與瞻卬。皆其所賦。蓋世為王臣。周官大行人之職。王之所以撫邦國諸侯者。歲徧存。三歲徧頌。五歲徧省。其總稱則曰問。問王制。諸侯之於天子。比年一小聘。三年一大聘。其不分稱大曰聘。小曰問者。聘之名重於問耳。然則天子行問禮而諸侯承之。其國通稱為聘。所以明其重也。

## 我伐凡伯于楚丘以歸

管見楚丘杜注。衛地。在濟陰城武縣西南。今兗州府曹縣東。楚丘。是也。我所由伐。凡伯者。傳云。初我朝于王。發幣於公。卿凡伯弗賓。冬王使凡伯來聘。遂我伐之於楚丘。以歸。凡伯之但此伐字與卦鼎致討之義既殊。即謂其痛

鉦鼓曰伐亦不必然。蓋戎之伐凡伯其徒衆皆僞為盜逆  
笑起於楚邱以盡掠凡伯之所有耳。已而究其人則為戎  
及訖戎而詰其故則以前之月伯弗賓怨之故乃伐取尹  
資以償所虛發之幣耳。故以歸云者以知奪之物歸非以  
凡伯歸也。凡伯為王臣不執何能以歸。既歸又將怒乎處  
之耶。戎之黠早辨及此夫戎不可輕動將加之罪而戎復  
有辭然則凡伯所聘之魯及聘還而經楚邱之術亦獨就  
王伐悔罪別謀贈送以過其行而已。如戎何哉。檜之詩曰  
匪風發兮匪車偈兮顧瞻周道中心弔兮。匪為寇賊之別稱詩特極  
言西戎之充斥也。今東諸侯之有戎患亦復肆無忌憚若此可慨也夫。

八年

春宋公衛侯遇于垂



管見宋公衛侯皆與鄭為讐。而宋尤甚。蓋宋以五年六年再伐鄭。於長葛圍之。而復取之。宋公心知鄭之必有以報也。於時齊魯與鄭相結。而宋孤矣。惟宋與衛素睦。乃復遇于垂以結之。欲有所借以備鄭之伐宋也。故十年夏魯會齊人鄭人伐宋。三國相聯。及其秋宋人入鄭。惟衛人同之。宋既入鄭。而復召蔡人以伐戴。亦惟衛人同之。皆因此遇于垂者以堅其要約也。左氏據下盟于无屋為辭。以為齊欲平宋衛于鄭。宋以幣請于衛。請先相見。衛人許之。殆于遇于垂之本意未合。又遇者兩君相見之通稱。或謂恐泄所謀。欲秘其迹。非也。以宋公衛侯出而相遇。其能行此說哉。

三月鄭伯使宛來歸枋

庚寅我入枋

管見鄭昔有湯沐之邑。以從祀泰山。曰枋。魯昔有朝宿之邑。以入覲成周。曰許田。枋近魯。許田近鄭。鄭伯欲以枋易許田。特其隱願耳。而左氏於此來歸枋者。遂稱請釋泰山之祀。以祀周公。無論枋非所以供泰山之祀。許田亦未必有周公之廟存。而以枋易許田之情。畢露。魯可因其來歸枋而遽入之。入枋之後。亦久不謀有以致許田于鄭乎。大抵歸枋之時。宛受解于鄭伯。但古宋數伐鄭而未能報。特舉先君舊邑之遠在魯者。使宛歸之。以求助而已。故魯亦不覺其先為易許田之地也。於是十年夏。鄭人伐宋。齊會之。而不見有功。魯既使單師師公。復自敗宋師于管。以取卻取防。欲極力以酬歸枋之德。故然而執知鄭伯之嘆。魯其意不專在敗宋而實主於易許田哉。枋杜注在瑯琊。背縣東南。今山東兗州府費縣治。故枋城是也。許田杜注近許之田。今開封府許州西南有魯城。本許田。後置邑。寰宇志謂在許昌城南四十里者是也。按許田為朝宿之邑。其初蓋以賜魯公伯禽者。若周公受封而留輔王朝。其朝宿

之邑。置在洛都之外。與鄰近。當未必然。其入枋而紀其日。為庚寅者。以與宛同籍其地。于枋至是始為魯有云爾。

夏六月己亥蔡侯考父卒

辛亥宿男卒

晉見宿男卒。不書名其義已見前滕侯卒。可以彼例此也。諸說多以為史失之。亦謂其文不備耳。然史有詳略。要必于其可者略之。如滕侯卒。月而不日。以是為史之從略。固有然者。若宿男之卒。既與蔡侯同書。更六月。又特標其日。為辛亥。使與國之號宿。爵之屬男者。蘇不悉載。乃獨謂其名。為可略。而文有不備。豈理也哉。

秋七月庚午宋公齊侯衛侯盟于瓦屋

晉見瓦屋。杜注。周地。今開封府洧川縣南二十里。有瓦屋。是其地也。按瓦屋雖為周地。而在今洧川則距鄭之國。

鄭為近而與齊絕遠。恐所指未確。姑仍之。張氏溥曰。春秋  
衛適於垂。齊平宋衛于鄭也。秋宋齊衛盟於瓦屋。齊卒于  
宋衛于鄭也。此左氏之文也。然以經考之。遇垂而鄭不盟  
盟瓦屋而鄭不與鄭。豈受平者哉。侵牧之役。衛鄭怨淺。長  
葛之役。宋鄭怨深。公子馮在鄭。宋瑒公未嘗一日忘也。宋  
亟欲去馮而合鄭。鄭莊公必不從。是故瓦屋之盟。絕鄭非  
鄭也。此論不泥傳文。最為卓識。但此瓦屋之盟。齊侯實  
有平宋衛於鄭之志。而卒未之能也。蓋海岱之間。齊莫大  
焉。自始封。歷十二世。至僖公。已稱東州之小伯。當其盟于  
石門。既得遠交於鄭。又繼之盟於艾。而得近比于魯。惟是  
宋衛與鄭為讐。不能和協以歸于好耳。若得平宋衛于鄭。  
合之齊魯。為五國相糾屬。則其得諸侯者幾于半天下。豈  
不可。以霸哉。此齊侯欲盟于瓦屋之本志也。惟鄭不能釋  
宋衛之讐。亦未免陰忌齊侯之霸。故齊侯嘗以秋七月庚  
午盟于瓦屋為期。及期而齊與宋衛皆在。鄭獨不來。則亦  
弟與宋公衛侯盟之而已。但宋衛之於齊。初未有隙。夫何

急傾于盟。且來盟之時。在宋公衛侯亦姑勉赴齊侯之約。其心固早料鄭之必不。如約者。至齊侯不克卒平三國。將以宋衛二國盟。殆猶慮其以鄭為辭。而乞罷斯盟也。乃推宋公為首。而齊侯下之。衛侯亦遂安于後齊侯矣。以是卒盟而還。此可知春秋書秋七月庚午。宋公齊侯衛侯盟于瓦屋。蓋譏齊侯之初平三國而未始有成。既不能得志于鄭。亦並譏齊侯之卒盟二國而莫敢為主。復不能得志于宋衛也。云爾。

## 八月葬蔡宣公

管見春秋書他國諸侯之葬。凡八十七。見其遵用古制。而及五月者。居八十七中之四十一。自三年書宋穆公始。其簡從未俗而止三月者。居八十七中之三十。自是年書葬宣公始也。

## 九月辛卯公及莒人盟于浮來

自見莒人即莒子。非微者也。前於二年書莒人入向。四年  
書莒人伐杞。取牟婁。並于莒子。稱人以貶之。公之與莒盟  
亦因其入向。取牟婁而降心以結好耳。豈誠謂莒子為吾  
與國而不入之也哉。惟其熟計先之城中邱者。以其與莒  
偶近而備之。然不卒要以盟難云。有備則無患也。故二年  
書秋八月庚辰。公及我盟于唐。此書秋九月辛卯。公及莒  
人盟于浮來。其盟之人與地有兩。而公之以盟其非得已  
之情則一。浮來杜注。紀邑。東莞縣北有邱鄉。邱鄉西有公  
來山。號邱來間。今莒州二十里有浮來。按浮來為紀邑。小  
非魯境。公自魯如紀以盟莒人。故稱及。必于紀邑者。以魯  
與紀為姻。  
觀故爾。

螟

管見。蒙上九月書螟。與五年同。皆以螟之作于秋前者已  
早為害。故於其九月秋盡而猶未已。特商之。若莊公六年

之書。其。統。以。秋。稱。則。又。見。其。秋。以。前。猶。未。  
為。害。秋。以。後。無。不。被。其。害。者。當。分。別。觀。之。

# 冬十有二月無駭卒

管見。隱公時。魯之大夫。獨書名。以示貶者三。無駭與驪與。  
扶是已。然無駭于此年書卒。扶於明年亦書卒。猶得知其。  
為大夫死而卒之也。至於驪之人惡。竟謀弑隱公而立桓。  
公在。桓公以為德比其卒也。魯史豈得不書。而春秋並削。  
之。蓋欲重加貶以。  
示深惡痛絕之意。

## 九年

# 春天王使南季來聘

管見。春秋書天王使來聘於魯者七。隱公七年。凡伯來聘。  
九年。南季來聘。當其二。及桓公四年。渠伯糾來聘。五年。仍。

叔之子來聘八年。家父來聘常其三。計隱桓二君不滿三十。年而備承天王之五聘。則春秋之初。周室雖衰。所以攝守國者尚勤也。是後自莊訖哀。歷十君。積二百餘年。惟僖公三十年冬。使宰周公來聘。及宣公十年秋。使王季子來聘。凡三聘而已。則周室之衰既極。其勢不能以撫諸侯。雖魯為宗國。而於來聘之禮亦安。然聽其久曠。是並欲求比於春秋之初。而不得矣。可勝慨哉。乃說者轉謂天王之使聘加於隱桓者。失之太數。徒以隱之十一年。桓之十八年。其朝王與聘於王。皆未見書於春秋。已亢慢不謹。侯度在天王初。未能以貶爵削地加之罪。復先後遣使以及五聘焉。是為非正耳。不知諸侯朝王。與諸侯使卿大夫聘于王。皆常事例。不悉書。豈得據以坐罪。隱桓遂疑天王之失刑而輕禮乎。故但謂隱桓之際。值周之東遷已久。其有時朝聘。浸不如期。以致天王之於魯。其來聘者。得審其五通。隱桓幾三十年。證以古制之一歲存。三歲覲。五歲省。率是為常。則亦大半有闕也。此于事理為近。若竟以為王官五及



魯廷以聘來而魯之朝聘曾不一往。乃至天王之廷絕不見。自隱桓君臣之跡。惡可信耶。南氏季字。南季王大夫。晉字。前凡伯為王卿。則但以已爵見。並著其聘為得禮耳。至元年來歸。惠公仲子之聘。則使諸侯嫡妾之分。亂非禮也。故雖宰冠列卿及諸大夫。亦書其名曰。啗以貶之。

## 三月癸酉大雨震電庚辰大雨雪

管見三月雨不異。異其大耳。月令於仲春二月言始雨水。季春三月言時雨將降。至季夏六月乃言大雨時行。則三月大雨其為非時可知。大字貫下震電二字。蓋雨大而震電亦大也。大雅皇矣篇。喻言又王之不欲革殷者曰。不大聲以色。不長夏以革。大聲謂大雷。大色謂大電。當長夏之至。潤溽暑大雨時行。正為以水革火之象。故稱革焉。然則詩不明言大雨而大雨亦畢該矣。此豈三月所宜見哉。又月令言季春行冬令則寒氣時發。草木皆肅。國有大恐。大

寒氣之發甚而至子大雨雪復何加焉。小雅稱正月繁霜我心憂傷。四月為正陽之月以繁霜為憂傷則三月之為五陽而偏于正陽者乃至大雨雪焉。其驚心又當何若也。此以視三月之大雨震電尤非所宜見矣。無何隱公九年之三月忽有相從而疊見者其可怪彌甚。蓋時方三月初不判其有大雨震電也。及癸酉而大雨震電既大雨震電矣亦絕不料其將以大雨雪也。乃及庚辰而復大雨雪八日之間陰陽之錯迤為變乃至此。撫有是國者將何道以自誅責而始克致其恐懼修省也耶。

## 挾卒

晉見齊氏履謙曰。魯世卿之後其嗣不見於經者三人。然益師之後傳有象仲。無駭之後傳有展禽。展喜。展瑕。展莊。叔展五父。惟挾之後無人。或以所氏之世至挾而絕。或其子孫甚微。無事可見也。按挾之後嗣不聞亦莫詳其所自。

言者示年一  
出之。系為之究論其人。必屬無駭之黨。一切與為附。和故  
無駭。猶得書其帥師入。極以為罪狀。而挾之行事。絕未有  
可指目者。春秋但斥其名以貶之。即從無駭之例。初不問  
其為公子。為公孫。為公孫之子。概從其削。則已。夫孰得為  
有可起者哉。

## 夏城郎

管見郎杜注。魯邑高平方與縣東南。有郁郎亭。今兗州府  
魚臺縣東北。有郎城。趙氏鵬飛曰。城郎。備宋也。魯將北會  
齊。鄭伐宋。疑宋為批亢。構虛之策。故城以備之。豈復顧天  
時之正否。民力之豐凶耶。按城郎之意。此說得之。觀明年  
會齊。鄭伐宋。公敗宋師于菅。辛未。取郕。辛巳。取防。宋宜自  
救之。不暇。何暇報人。乃鄭師伐宋。還猶在郕。宋忽以衛人  
乘間入郕。其得入者。鄭不備也。蔡人後至。宋又與蔡人衛  
人伐鄭。所與之戴其逆伐者。亦攻戴之。無備也。然則宋殆

之用兵。每順行。此說通。以為得計。而魯隱實早悉之。此所以會師伐宋。擬在明年之夏。而其合衆城郕。意先決于今年之夏也。夫季氏康曰。隱之元年。費伯已城郕。矣。至此年復城。而桓十年。齊衛鄭來戰于此。莊八年。陳蔡之伐。亦次于此。十年。齊宋以兵窺魯。又宿師於此。則郕豈非魯之要地乎。此說亦當參看。但當以趙氏之言。備宋為主。

## 秋七月

管見秋時無事。而首月必書。此其再見也。以四時十二月之名有定。三代共之。不可議改。故春秋於此。獨不以一書為例。而從省。

## 冬公會齊侯于防

管見公會齊侯于防。為鄭所使也。鄭以欲報宋人長葛之役。而謀會齊魯之師以伐之。其八年三月之來歸。初必以

其情告魯而魯遂入。防則魯之會師已。惟命是聽矣。惟齊于八年之七月。為瓦屋之盟。將平宋衛於鄭。而鄭卒不平。則令之將伐宋。而求致齊魯之師來會於鄭。魯雖必應齊。則將有以謝之。而鄭之於魯。恃有師防入防之相結。既固。於是鄭使來告伐宋。並乞公會齊侯。代鄭為之說。以解之。使齊侯之心。終以前之得盟於石門者。仍守其約。毋以後之不與盟于瓦屋者。或不釋然於心也。以此度之。公之會齊侯于防。非為鄭所使。而何哉。防杜注魯地。在瑯琊華縣東南。今兗州府費縣東北六十里有華城。即華縣也。按十年二月公會齊侯鄭伯于中邱。中邱為魯地。防亦為魯地。公獨何能屈齊侯一再至于魯乎。或謂魯為鄭釋嫌于齊。以圖會師。則當入於齊境。而防屬在齊也。然無可證據。以俟知者。

十年

# 春王二月公會齊侯鄭伯于中丘

晉見公會齊侯鄭伯于中丘所以定會師伐宋之期也。但中丘為魯之東境在齊之東南齊侯之會公得于此地鄭伯何由與齊侯同至而公會之也哉。蓋鄭伯先如齊與齊侯遇其於前此不與見屋之盟公既于防解之而鄭伯復自明之也其於今茲必報長葛之役公既于防請之而鄭伯復伯復自乞之也。於時齊侯竊自裁度鄭實強于宋將以為與不可絕也。止長葛之役連歲加兵曲在宋而直在鄭則宋有可伐之罪而鄭之伐宋正為有名此而以師會之在宋之于齊當不得片瓦屋之盟為不信已於是齊侯許其會師並與鄭伯同至于魯而公會之遂定會師之期其會之地則在中丘云。

## 夏鞏帥師會齊人鄭人伐宋

管見此言鄭伐宋公既以歸訪入訪之故而自行矣而又先書鞏帥師者蓋公慮此師不武則于鄭之歸訪其願未塞而我之入訪其心亦多歎于是以鞏之專橫雖可惡而其長于軍旅則可仗之以有功乃不得已而使鞏帥師也不然公未始以能軍聞胡然而一敗宋師再取宋邑哉但鞏也不良藉之有功則專橫滋甚他日鍾巫之變即兆于此此又經書鞏帥師之微意與齊人鄭人以貶齊侯鄭伯也齊魯之會伐宋魯公自行而齊侯不出安得謂其所使將者並非卿耶惟先有防之會及中邱之會皆齊侯實與魯鄭合謀貶而稱人罪其主者而已所使不足責也至鄭之合齊魯以報私怨其宜從貶例固已而左氏紀其伐宋則稱宋公不王鄭伯為王左卿士以王命討之其來告魯亦曰以王命來告周室既衰諸侯強其他皆不知有王从有事于戰爭則必假天子之聲靈以為成重鄭莊實春秋之罪魁矣亦曰而稱人較之齊侯更有無可起者

# 六月壬戌公敗宋師于管

管見邲所帥之師即公之師也克敗宋師知聲之力為多然三國合師伐宋而魯獨先敗宋師則又鄭來歸訪之所使耳管杜注宋地未詳封域所在

## 辛未取郕辛巳取防

管見夏六月壬戌公敗宋師于管越十日為辛未則取郕又十日為辛巳則復取防其一一詳其日者著其迅疾焉耳在聲之帥師此舉亦足逞其志矣而公之謂胡自得當蓋甚蓋經書敗宋于管遂因以取郕取防是於鄭之歸訪既快其足以報命而傳復稱取郕歸于我取防亦歸于我則又於入訪之外竊幸鄭之不貪其土而以勞王爵也夫孰料聲之伐宋有功而惡將長又鄭之取憤于訪方亟圖許田而不惟伐宋已哉



# 秋宋人衛人入鄭

管見此宋人衛人及下蔡人皆貶其君之辭與前齊人鄭人一例宋人之入鄭與其伐戴衛人皆以師從踐八年遇于垂之約耳今年夏鄭合齊魯之師以伐宋魯先為鄭敗宋師兼取宋邑宋人不能禦乃竊料鄭師大出則其國必且師勝而還必緩于是與衛人急乘其間遂入鄭人為造其國都而擾之也當隱之四年夏宋公陳侯蔡人衛人伐鄭傳稱圍其東門五日而還未能入鄭今而入之亦當自以為得算矣但以詭道行兵志存僥幸非勝算之可恃者若本此伎倆以報魯之敗宋師兼取宋邑彼其先脩而城中邱雖魯之鄙邑猶不得入况其國都也哉

## 宋人蔡人衛人伐戴鄭伯伐取之

管見前概稱鄭人而此獨目鄭伯欲見宋人蔡人衛人伐戴而鄭因而伐取之者實鄭伯之自來也隱四年宋公伐

鄭衛人以陳蔡從。為陳蔡之睦于衛。故此伐戴而蔡人來會。則亦衛人有以召之。惟其師後至。故不及入鄭。而從之伐戴耳。然宋人主兵。其獨謀入鄭。而復族以伐戴者。意非主於必克鄭也。但以入鄭而鄭莫之禦。是即宋勝而鄭敗矣。此足以除宋師先敗于管之恥。既入鄭而不敢淹。遂移師以伐戴。戴為鄭之附庸。與於鄭。其伐戴亦謀取之。謂足以當後之取。郕取防而償所失也。然宋人豈鄭伯之敵哉。雖入鄭。獨因衛人不嫌寡助。及伐戴而更加以蔡人。宜亦以多為益善也。乃笑問鄭伯。然完自將挾入鄭之憤。以敵伐戴之勢。其勢莫敢過在宋人。方新挫于管之敗。及郕與防之取。其心膽驚動。茲仍未得遽定矣。以故宋人之合蔡人衛人于戴。伐之亦即于戴取之。易易耳。伐取聯稱。其敗不言可見。取者。俘其徒族。掠其輜重也。以此而轉怒入鄭之謀。曾無損于鄭之毫末。何為也耶。

# 冬十月壬午齊人鄭人入郕

**管見**高氏閔曰。載鄭所與也。而三國伐之。郕。衛所與也。而齊鄭入之。是效尤也。吳氏澂曰。自五年衛入郕之後。鄭遂服屬于衛。故為衛之與。據此。則入郕之役。其所由來者。蓋以此年秋。衛人合于宋人。以入鄭。又名蔡人合于宋人。以伐戴。故鄭人欲有以報衛人。既于衛人之會伐戴者。伐而取之。猶以為未足。以報也。因于冬十月壬午。再與齊人伐衛。人所與之。鄭還入郕。以視衛人會伐鄭人。所與之。戴而未。能入者。焉加甚。至是而後報衛人之志。乃伸。其入郕。獨先齊人。而魯未嘗與者。以夏之伐宋。魯君臣皆最有勞。重再勤也。于時惟齊人因之成事。鄭人知其必將取之。因謀與入郕。以收其激勸于魯之力。而齊人亦以功駕于鄭人。以是先齊人耳。然則鄭莊之譎詐多謀。能使齊魯皆為之用。既至此。其明年之秋七月壬午。公及齊侯鄭伯入許。還因之矣。

十有一年

# 春滕侯薛侯來朝

皆見桓公七年夏。穀伯綏來朝。鄧侯吾離來朝。以分書知其不族見也。族見則同日行禮。特見則不同日。至十五年夏。邾人牟人葛人來朝。不分書而聯書。則亦以其為微國之君而族見之矣。茲隱公十有一年春。書滕侯薛侯來朝。與後分書穀伯鄧侯之例異。而與後聯書邾與牟葛之例同。是隱公偕天子族見諸侯之禮。以行其怠傲也。凡諸侯之邦交。皆從敵禮。經于滕子薛伯。皆統以侯。稱欲明魯之尊國。賓以重王。爵其道當。然此足以正其族見之非矣。有隱公之怠傲而族見。遂以放。滕薛之非。忤而爭。長據左氏所載。薛恃先封。滕倚同姓。辭皆甚憤。迨公命羽父解之。而薛乃長滕。是成何朝禮哉。故經首書滕侯而次薛侯。使其長聳然有定。彼不知而爭者。亦即有以正之也。與薛杜注。

魯國薛縣。今薛城在山東兗州府滕縣南四十里。孔疏。諸云。薛任姓。黃帝之苗裔。奚仲封為薛侯。仲虺居薛。以為湯左相。武王復以其冒為薛侯。小國無祀。世不可知。亦不知為誰所滅。

# 夏公會鄭伯于時來

**管見**公會鄭伯于時來。左傳以為謀伐許是矣。吳氏澂曰。鄭莊以小事魯。既與之伐宋。為鄭報怨矣。又將與之同伐許。為鄭益地。許與鄭接壤。鄭之所利。齊魯無與焉。若也。鄭伯以計釣致齊魯之君。而借其兵力。吞併小國。以利益于己。甚哉鄭之不仁。而齊魯之不智也。此論極嚴正。時來杜注。郊也。滎陽縣東有釐城。鄭地也。在今河南開封府東四十里。

## 秋七月壬午公及齊侯鄭伯入許

管見夏公會鄭伯于時來謀伐許也。及秋七月壬午入許而齊侯與于師焉。則何以致之。蓋時來之會。鄭伯欲邀齊侯之以師共濟。使公因請之耳。齊侯許之。故用及字作線索。謂公先得結于齊侯而後乃與齊侯合。併于鄭伯以是伐許而遂以入許也。按左傳叙入許之役。謂穎考叔取鄭伯之旗螯弧以先登。子都自下射之顛。取叔盈又以螯弧登周廡而呼曰。君登矣。鄭師畢登。遂入許。許莊公奔衛。據此則鄭師獨克而公與齊侯之師未有勞也。然鄭伯此舉非不足于兵力。特假公與齊侯之親。應戎行以壯軍聲。使許莊公聞而惶懼獨辭一奔而已。初不欲公與齊侯之師得分其功。故入許之後齊侯以許讓公。公弗敢有。以與鄭伯。鄭伯竟不復辭許。杜注。潁川許昌縣。今河南開封府并州。故許城在州東北四十里。孔疏。潁云許姜姓與齊同祖。克四岳伯夷之後也。周武王封其苗裔文叔于許。

# 冬十有一月壬辰公薨

管子見傳稱十一月公祭鍾巫齋于社園館于寓氏壬辰羽父使賊弑公于寓氏立桓公而討寓氏有死者夫羽父使賊弑公不得賊則使賊之罪不定也至于討于寓氏有死者而賊終不得則賊之弑公雖魯國皆知其為羽父使之而亦伴為不知而已故但書曰公薨亦如治獄不決疑存為疑案云爾說者以為諱公之遇弑乃其餘意